

清宣統朝中日交涉史料

卷五之卷六  
宣統二年至三年



清宣統朝中日交涉史料卷五

(三五九) 駐日本代辦使事參贊吳振麟呈外務部電

宣統二年五月初一日到  
收發電檔

本日接代辦使事及學務當謹慎將事並分別事件輕重卽由函電稟承辦理此間向無代辦關防應否另刊請示祇遵振麟叩東

(三六〇) 吉林巡撫陳昭常致外務部電

宣統二年五月初一日到  
收發電檔

頃據延吉郭道電稱琿春設領前奉鈞電准其先往租屋由地方官妥爲照料等因現在該領已在琿城設立分館派警員二名駐守並掛分館木牌會由該道照會云領事未經派定以前仍請撤銷俟領到再行懸掛茲據該領要以該地開設分館當未派副領以前以警部充當譯員並代理領職係其外務大臣電訓並謂業經照會或公文路中遺失未到特將原文補錄一分前來等語該道以未奉正式文告現未認可並稱琿延開埠本是二事琿館似不爲延吉分館致渾琿埠於此次條約事內各等情查琿春商埠爲吉省六處自開商埠之一本與延吉新約無干日人派領如係彼政府派定後正式通告自應由地方官優待一切交涉卽可與之商辦今忽以警員代辦託詞外部電訓又云公文遺失種種辦法顯有嘗試

情形且郭道電稱瑋館不應爲延吉分館的是扼要之論在日領有意含混欲藉此合延瑋爲一不可不妨除飭郭照會嚴駁並該地方官暫不承認勿與交涉外特此電陳請轉詰日使並催速派正式領事勿任含混是所至禱昭常謹肅豔

(三六一) 吉林巡撫陳昭常致外務部電

宣統二年五月初二日到  
收發電檔

六道溝日警因救火傷斃華警一案前奉庚電遵即派員覆查去後茲據復稱查得當時火起倉卒華警馳救或奮勇升屋或吸井噴灌人人以救火爲目的未嘗稍分畛域日警到時火已垂滅不知日警因何動怒反責華警日房失火不應汝救時華警羅成立張溥泉尙在屋上正持水管注射餘燼有一日警突以長鐵鈎襲擊二人下屋羅成立因順手奪鈎又一日警揮刀前砍張溥泉從旁瞥見卽力持揮刀者之腕而回其鋒日警見腕已被人扼住又恐華警奪刀急欲掙脫猛力抽回因自傷正面故日警面部只此一傷且不甚重此刻爭鬪原在簷下距井尙有十餘步華巡記佟紹恩正在井旁低頭據水龍壓水未及知道日警官山田等一到火場卽抽刀從後襲砍並砍同壓水龍之華警侯公田玉升故佟侯受傷多係背後並非鬥傷可知華警死傷日警一閔散歸不復從事毀屋救火而火亦不復延燎則日



警到場時火勢實已垂滅不須毀屋施救彰彰明甚且周視火場係韓式草屋高不及丈深寬亦止丈餘火從屋內頂隔上炎屋頂茅草被燬纔十之四五屋內窗壁門扇及所糊之紙現均完好如故並無燒灼痕跡尤見當時火非甚烈屋不須毀日警以鐵鈎襲擊華警下屋實屬有心挑釁其毀屋救火一語皆事後造言欺人爲卸過地不問可知華警官因在屋前巡視不及兼顧日警官見日警行兇不惟不彈壓反拔刀相助謂非先懷成見其誰信之况徵之鄰近居民僉謂此屋原住日本憲兵自憲兵撤退後久無居人起火前數日忽有日人數名不時由後門出入是日火起又有黃煙冒出旋即見火日消防隊均攜帶刀械空擁水龍到場其救火器具若鈎叉等件均就左近一韓民家內取出若先事寄存者種種形迹尤難索解至救火華警纔十餘人日警來者數十人華警見日警之多亦只疑爲救火而來概不隄防孰知日警近身刀叉交下以致華警多受背傷日警除坪野外無一傷者臨場挑釁決非華警可知又查事後該埠局長陳憲章赴日領事館交涉永瀧始誣華警爲先放槍繼誣以水噴灌日警致起爭鬥嗣因被駁詞窮乃承認日警無理先施責罰又云修巡出殯必使日警送葬又使日副領事速水來云領事館中同人願贈洋百餘元爲華警恤養費一面敷衍延宕一面捏報日使又查日警尋釁原因有三一於本年二月初旬日警將我國所訂

商埠門牌全行摘去華警長仍派兵挨戶掛之二日警在埠內設置天津奉天等處字樣街道牌經華警長飭兵拔去兩次三因華警在街布置崗樓日領派人出阻嗣經迭與理辯始將崗樓設定此三事日人皆未滿意致生釁端現時日領事館逾額日警仍令恣意巡邏埠市干我主權不稍斂迹等情前來此事歷據詳細飭查情形大致無異此次所查情節尤爲詳盡實已毫無循飾總之此案無論彼此調查有無異點以日人之狡黠無常旣知理屈斷無不曲加粧點以冀彼此各執一詞得遂其延宕狡逞慣技要以協約警權旣歸中國日警本不應恣意橫行眼前仍以懲辦兇手裁去警額爲我應行要求辦法日領必欲狡辯或不允照辦只有要求撤換以弭後患特詳細電達諸祈鈞部主持力與交涉示復遵行爲盼昭常謹肅東

(三六二) 發駐日本代辦吳振麟電

宣統二年五月初二日  
發電檔

東電悉應行文牘卽用出使關防前銜用代辦字樣外務部冬

(三六三) 新授外務部右侍郎胡惟德致外務部電

宣統二年五月初三日  
收到電牘

昨日離東京今日自神戶乘竹島丸內渡初九抵津德江

(三六四)東三省總督錫良致外務部電

宣統二年五月初四日到  
收發電檔

日本駐旅順大島子爵於四月二十一日由大連赴長春本月初七日將由營口抵奉天初十日起行除照章接待並飭地方官保衛外謹電聞良江

(三六五)發吉林巡撫陳昭常電

宣統二年五月初七日  
收發電檔

豔電悉當即據詰日使伊認警員自不應代理領事惟作爲分館一節係因劃定區域取便管轄仍電請外部示復頃准函稱琿春日領館分館事外部復電已改命外務通譯生坂東末三爲該館主任執代理領事之職不日到任即與豐田警部辦理交代等語查延琿設領原係兩案要其性質均屬自開商埠該兩處我本轄以一道必謂其不能隸延管轄亦頗難言至其牽混之意誠如來電不可不預爲之防當照復以琿本吉省自開商埠之一所有該埠工程巡警衛生各節前經聲明悉照自開辦法由中國自行辦理日既改派坂東爲代理琿領自應照章接待惟前項辦法應再聲明等語有此聲明將來琿領如有違背埠章軼出

範圍情事我尙可據章聲辯仍望蓋籌轉飭該道隨時體察防維以固主權正發電間復准來照以坂東今明日卽往琿春請速電飭接待云云除照復允認希查照外務部初七日

(三六六) 吉林巡撫陳昭常致外務部電

宣統二年五月初九日到  
收發電檔

初七日電敬悉當經轉行郭道電飭琿春廳照章接待惟查坂東末三原係日本無賴商人旋由齋藤雇用昭常督辦邊務時屢晤其人察其行爲狡詐現旣爲該館主任並屬郭道轉飭該廳隨時體察防維毋任干涉地方行政矣合併奉聞昭常謹肅庚

(三六七) 東三省總督錫良致外務部電

宣統二年五月初十日到  
收發電檔

大島子爵初七日由營口來奉一切妥爲接待均甚歡洽已於今日上午十鐘回旅順矣謹聞良初十日

(三六八) 湖南巡撫楊文鼎致外務部電

宣統二年五月十一日到  
收發電檔

前奉鈞部初一日電敬悉昨美使派駐重慶領事潘來湘當與接晤提議欸事據潘領事言

已調查損失數目報呈駐京公使當與鈞部交涉並不與湘撫議辦日本領事則言各項損失均已查清極願在湘議結惟駐京公使至今並無電令該領事與湘撫商辦之明文是以未便擅議仍候公使電到再說至英領則始終不肯提議每探其口氣總以此案非賠償所能力事非外間所能議結而各國亦皆受其播弄不知意欲何爲文鼎查此次湘亂外人財產雖有損失而並未傷人豈能藉此別生枝節應請鈞部先與英使商明電飭長沙英領與湘撫議結以杜詭謀日本領事人尙和平如日使能電飭其與湘撫商辦即可先了爲各國之倡此次美領來湘卽寓英領事處恐其合以謀我用特密陳德法尙未派人來湘各使有何舉動並乞隨時密示俾資因應爲要楊文鼎叩十一日

(三六九) 外務部總理大臣奕劻等奏擬出使日本國大臣敕諭國書摺

宣統二年五月十三日

臣奕劻等跪奏爲謹擬出使日本國大臣敕諭國書繕單恭呈仰祈聖鑒事宣統二年四月十八日奉旨郵傳部左侍郎汪大燮著充出使日本國大臣欽此當經臣部照會日本國駐京使臣轉達該國外部在案查向章簡派使臣歷由臣部備具敕諭國書奏請頒給茲汪大

燮簡充出使日本國大臣自應照章奏請頒給敕諭暨接任國書至前任出使大臣胡惟德亦應呈遞辭任國書以重使事臣等謹撰擬敕諭國書分繕清單恭呈御覽伏候命下卽由臣部遵繕清漢文送交軍機處請用御寶發給該大臣欽遵祇領分別呈遞所有謹擬出使日本大臣敕諭國書緣由理合恭摺具陳伏乞皇上聖鑒謹奏宣統二年五月十三日  
宣統二年五月十三日奉硃批依議欽此

(三六九) 附件一 擬出使日本國大臣汪大燮稿

恭擬出使日本國大臣汪大燮敕諭

皇帝敕諭出使日本國大臣汪大燮朕維慎固邦交每以講信修睦爲首務中國與日本同洲密邇關繫尤爲切要用慎行人之選宜隆遣使之文今特命爾爲出使日本國大臣其仰體朕懷悉心經畫凡遇交涉事件按照條約詳慎辦理並應秉承外務部酌度機宜隨時請旨遵行所有隨使暨辦理學務各員聽爾節制在外商民人等更宜隨時保護約束俾安生業敕中開載未盡事宜亦當揆勢度情持平妥辦爾其殫竭智慮敬謹將事毋負委任特諭

(三六九) 附件二 擬出使日本國大臣汪大燮接任國書稿

恭擬出使日本國大臣汪大燮接任國書

大清國大皇帝問大日本國大皇帝好我兩國同洲睦誼歷久彌敦茲因出使大臣胡惟德升任爲外務部右侍郎特簡郵傳部左侍郎汪大燮前往接充新任並令恭賚國書呈遞御覽以表委任之意該大臣秉性忠誠才猷練達爲朕素所信任前曾駐紮貴國監督學務久承貴國政府優待嗣出使歐美各國辦理交涉事宜諸稱妥洽此次特派爲駐貴國欽差大臣必能顧全邦交使兩國友誼愈臻親密尙冀大皇帝推誠相與俾遇事得以協商辦理克盡厥職是所厚望

(三六九) 附件三 擬出使日本國大臣胡惟德辭任國書稿

恭擬出使日本國大臣胡惟德辭任國書

大清國大皇帝敬致書於大日本國大皇帝陛下前者特簡胡惟德爲出使貴國大臣接任以來極承推情優待朕深爲欣佩茲授胡惟德爲外務部右侍郎召令回國特備國書俾辭使任以昭鄭重邦交之意幸鑒察焉並祝大皇帝福履綏和國運昌盛



(三七〇) 東三省總督錫良致軍機處外務部電

宣統二年五月十四日到  
收發電檔

東省逼處兩強近日俄聯合益將協而謀我雖新協約內容尙未宣布而中西各報所登載與良處所探訪大約日則合併高麗俄則進規蒙古又聞俄有要求東清鐵路作爲永佔不聽贖回之說此後對我手段無非強橫無理除電外務部軍機處外究應如何預籌應付尙望密示機宜俾有遵循無任企盼良願

(三七一) 發湖廣總督瑞澂等電

宣統二年五月十四日  
收發電檔

十一日電悉本部十三日電計達現准日本伊使照稱賠償一節准本國政府回電即在地方協定速電長沙領事遵辦云云請飭地方官與該領交涉務須開誠布公和平辦結等因日使既允由湘議結德使來照亦同即可與該兩領先行開議餘俟各使照復陸續電達隨時商辦外務部十四日

(三七二) 東三省總督錫良致軍機處度支部外務部郵傳部電

宣統二年五月十六日到  
收發電檔



錦愛鐵路借款包工兩合同前已鈔送鈞核昨准司戴德自俄京函稱接到紐約來電內稱爲時無幾即在俄京開議如其議妥美國資本家已備有工程師以便立可派往等語此事若一經議妥該財團代表勢必立派工程師催促開辦今擬訂詳細合同尙未蒙核復一切均難籌備屆時若有延誤必生枝節應懇鈞處大部迅賜核示以便預籌一俟接到司戴德確信即將合同繕奏近日喧傳日俄新訂協約東事日棘焦慮莫名叩請速復良銑

(三七三) 東三省總督錫良致外務部電

宣統二年五月二十二日到  
收發電檔

東省交涉需才查有日本使署二等繙譯官早稻田法政畢業生劉崇傑通曉法學熟諳外情擬調奉差委該員係鈞部奏署人員謹請電飭即日來奉以資助理良二十二日

(三七四) 發駐日本代辦吳振麟電

宣統二年五月二十三日  
收到電檔

東督電調日本使署二等通譯官劉崇傑赴奉差委希轉飭前往並電復外務部漾

(三七五) 駐日本代辦吳振麟致外務部電

宣統二年五月二十四日到  
收發電檔

連日歐洲電傳俄日協約已有成議內容約分兩節其一稱維持東三省行政現狀關於鐵路利害俄日務期一致儻應行擴張綫路及其他計畫當由兩國計議其二稱東清南滿細章各派專門協定並整頓海參歲大連間運輸事業以便兩國交通等語不識確否姑據所聞謹陳振麟叩二十四日

(三七六) 駐日本代辦吳振麟致外務部電

宣統二年五月二十五日到  
收發電檔

開放旅順章程今日發表即譯寄謹聞振麟叩有

(三七七) 駐俄大臣薩蔭圖致外務部電

宣統二年五月二十五日到  
收發電檔

頃探聞俄政府與日使現因東三省鐵路行車事宜商訂專條不久當畫押又聞該專條須通告各國並聲明在東三省保持平和云謹密陳容確探再達蔭敬

(三七八) 駐韓總領事馬廷亮呈外務部電

宣統二年五月二十九日到  
收發電檔

副統監山縣伊三郎昨抵韓京廷亮二十八日

(三七九) 東三省總督錫良致軍機處請代奏電

宣統二年六月初一日到  
收電檔

竊維外交政策瞬息千變自錦愛鐵路草約成立後日俄兩國向欲分據東省者又將改變其方針雖俄國反對路事甚力近據美資家代表司戴德包工公司法蘭芝先後函告業已竭力經營惟錦愛路約如成俄不得逞志於東方必將肆力於西北近來日俄邦交親密日之合併朝鮮俄之規畫蒙古兩國已不啻互相默許聞近日俄軍在我國西北邊界舉動野心叵測萬一俄人以全力脅制中國要求借款代辦張恰鐵路拒之不易允之爲難殊有進退維谷之勢我若出其不意密速將粵漢借款先行撥爲張恰造路之用趁此事機未竟以前東之錦愛西之張恰同時並舉迅雷不及掩耳使彼無計可施儻粵漢借款難以移撥似宜另向美德借款而以比國包工則俄人之力必不能阻此皆境內之事主權在我儘可自由及今不爲必有後悔無及之日近日處置西藏外人頗奇中國政策之敏捷若能將錦愛張恰二路同時提前定議使列國不敢輕視中國以後交涉可望漸有起色成敗利鈍相去天壤機不可失錫良待罪邊徼日抱杞憂謹貢芻蕘以備採擇可否代奏伏乞裁酌施行

錫良謹叩初一日

(三八〇) 駐俄大臣薩蔭圖致外務部電

宣統二年六月初一日到  
收電檔

敬電計達頃詢東方股副辦據稱俄日商訂專條已於二十八日畫押共三條內有保持東三省平和及鐵路事宜日內當由北京駐使照會中政府等語蔭卅日

(三八一) 發吉林巡撫陳昭常電

宣統二年六月初三日  
發電檔

日本使面稱長春日商火柴公司於西歷五月初間請領事照請長春道發給該公司所用鹽酸加里之進口護照迄未照發該公司因無前項藥品營業幾乎中止請催該道速發護照以免該商吃虧等語查鹽酸加里如查明確係營業需用之品可通融准其進口惟現行辦法應由尊處電請陸軍部核准知照稅務處轉飭給照放行希查照並電復外務部初三日

(三八二) 發駐日本代辦吳振麟電

宣統二年六月初六日  
發電檔

日俄協約宣布各大國駐使意見議論如何希密探隨時電知外務部初六日

(三八三)發駐德蔭昌駐美張蔭棠駐法劉式訓駐比楊樞駐英李經方駐和陸徵祥

各大臣電

宣統二年六月初六日發電檔

本年西七月四號俄日協約雖云協助鐵路改良維持現狀然其第三條所謂如遇有侵礙現狀情事則兩國應隨時商定正當辦法等語包含甚廣用意尤爲叵測各國對此協約應各有見地希於閒談時密探彼政府語氣暨各大國駐使意見議論隨時電知外務部初六日

(三八四)吉林巡撫陳昭常致外務部電

宣統二年六月初七日到收電檔

初三電祇悉日商火柴公司運用鹽酸加釐一事昨據西路道詳請核轉給護照等情前來業已轉電陸軍部核咨稅務處飭關驗放一俟電復當即飭道給照特此電復即希查照昭常謹肅魚

(三八五)駐俄大臣薩蔭圖致外務部請代奏電

宣統二年六月初七日到收電檔

俄日協約上月二十八日畫押共三條第一條爲便利交通及擴充商務起見兩訂約國協力改良滿洲鐵路事宜彼此務除爭競第二條兩訂約國保持在滿洲因中俄日三國歷次條約所成之局勢將各條約鈔稿互換第三條兩訂約國在滿洲局勢如有被侵害之事彼此浹洽設法抵制其大要如此俄京各報咸謂該約爲美國創議贖路所激成他國議論美德反對英贊成法不甚注意按該約第一條改良鐵路事宜所包極廣兩國協力經營滿洲有進無退是其本意第二條保持現在局勢在彼聯結愈固在我應付愈難第三條雖爲防禦他國而設然我欲收回權利不復能得他國助力臣惓念時局日夜焦憂竊思陪都陵寢所在鐵路主權所關中俄合同以路成後三十六年爲贖路期如能先期贖回固善否則屆期必當贖回而有此次協約恐贖路時非他國所能援助事大款鉅亟宜從早籌畫至東三省內治尤應切實整頓以期抵禦外力庶屆贖路之期不至別生枝節是否有當伏乞聖裁乞代奏蔭魚

(三八六) 駐日本代辦吳振麟致外務部電

宣統二年六月初八日到  
收電檔

俄日協約頃探公表首稱俄日爲東方平和之計抱定從前協約宗旨並擴張其功效茲再

約定三章其一圖各國交通便利及商業發達故於東三省各自所有鐵路應需改良整頓等事從善計議並彼此不相競爭以冀確達協約宗旨其二爲維持東三省現狀之故應按照俄與日暨俄日與中國所訂條約及其他約文辦理該條約及該約文等業經互換其三凡遇侵犯東三省現狀無論何等情事彼此認爲不可旁視者惟隨時妥商對付之策等語聞該約已由駐京俄日兩使呈遞鈞部茲譯大意謹陳振麟叩陽

(二八七)駐法大臣劉式訓致外務部電

宣統二年六月初八日到  
收電檔

初六日電悉查俄日新協約末段未用零七年七月協約之和平辦法字樣似爲隱杜美國干涉及預防我國意外情事起見意甚叵測英法爲盟國自極贊成惟俄東顧無憂必致力於巴爾幹爲德奧土所疑忌至日本吞韓舉動各國似甚淡漠容再隨時密探電聞訓陽

(二八八)駐英大臣李經方致外務部電

宣統二年六月初九日到  
收電檔

初六日虞電均悉本日送國書往外部私詢葛雷俄日協約意見據稱此約伊甚洽意俄日若再有戰爭不利中國亦不利各國英但冀遠東太平洞開門戶商務利益一體均沾而已



至各大國駐使均守外交官宗旨兩可其詞方庚

(三八九)駐比大臣楊樞致外務部電

宣統二年六月初九日到  
收電檔

俄日新約已於十二號公布英法歡迎美德奧反對已由遠東社據法理駁論函詳樞庚

(三九〇)駐日本代辦吳振麟致外務發電

宣統二年六月初九日到  
收電檔

協約事東京外交團常有議論自奉魚電又詳密探訪英與日法與俄各同盟自是一致俄欲竭全力於巴爾幹以與奧抗不得不弘其力於亞東今日本肯爲俄之與國是卽不利於奧故奧最不悅德與奧盟奧所不悅者不啻爲德所不悅自多憤辭該約第三條直爲提議東三省鐵路事竣暨建築錦愛等事而發美更難乎爲情義爲德奧同盟雖未宣布異議要亦不表同情又聞第三條內含有密約容探明再陳振麟叩初九日

(三九一)發吉林巡撫陳昭常電

宣統二年六月十三日  
發電檔

韓民金仁京案准日使復稱該犯業經永瀧總領事照約於本月初一日釋放交華官辦理



等語希查照外務部元

(三九二)外務部總理大臣奕劻等奏駐日本參贊領事通譯等各缺分別補署摺

宣統二年六月十三日

臣奕劻等跪奏爲駐日本參贊領事通譯書記更調各缺分別補署恭摺仰祈聖鑒事竊查各館員缺如遇更調均由臣部酌揀人地相宜之員分別奏派歷經辦理在案現在駐日本長崎正領事王斯沅奏請升署坎拿大總領事所遺之缺擬請以三等參贊官鹽運使銜卽選知府大理院候補推事張元節調補遞遺之缺擬請以駐墨二等通譯官布政使銜候選道譚培森調補又日本使館三等通譯官呂烈煌橫濱總領事館三等書記官馬羣亮二等通譯官馬永寬長崎領事館二等通譯官陳華岳均銷差回華所遺各缺查有通判職銜郭左淇堪以試署使館三等通譯官安徽卽用知縣吳惟允堪以試署橫濱總領事館三等書記官同知楊彥潔堪以試署橫濱總領事館二等通譯官神戶領事館二等書記官王守善堪以升補長崎領事館二等通譯官所遺駐神戶二等書記官一缺擬請以署長崎二等書記官李端癸調補遞遺之缺擬請以前駐古巴隨員分省補用知府梁謙試署又准出使日

本大臣汪大燮咨稱日本使館事務殷繁額定員數有限原設學務監督兼二等參贊並不與聞使事擬改爲名譽參贊將此二等參贊原有薪額增設額外三等參贊一員學習書記官一員等語自係爲裨益辦公起見應即准如所請除學習書記官不作實缺由該大臣揀員咨部核派外查有候選道許士熊堪以試署額外三等參贊官以上各員或在館有年辦事得力或曾經出洋才具穩練以之補署各缺尙爲相宜擬懇恩准該員等分別補署各缺譚培森張元節二員並請仍留原官原銜其餘試署各員統俟期滿再由出使大臣咨部核辦所有駐日本參贊領事各缺分前補署緣由理合恭摺具陳伏乞皇上聖鑒訓示謹奏宣統二年六月十三日奉硃批依議欽此

(三九三) 法部右侍郎沈家本奏聘請日本教習小河滋次郎等期滿成績卓著請賞

給寶星片 宣統二年六月十四日

再監獄專修科教習日本司法省監獄局事務官法學博士小河滋次郎岐阜典獄中村襄均係日本監獄學專家富於經驗前經臣函致出使日本國大臣訂立合同延聘來京到堂教授現在業經期滿該教習等盡心講解造就專才小河滋次郎兼任修訂法律館調查事

務編有監獄法草案大理院看守所章程多至數十萬言法部籌辦模範監獄度地繪圖多與商定順天府添設習藝所圖式亦出其手該教習遇有詢問靡不竭誠相告纖悉無遺有裨於中國監獄前途者甚大臣知之既確未敢壅於上聞查小河滋次郎曾於光緒三十三年三月在考察日本法制案內奏給二等第二寶星此在京效力卓著勤勞擬懇循舊賞給二等第二寶星出自恩施逾格中村襄係專任教授擬請賞給三等第一寶星以酬勞動而昭輯睦如蒙俞允由臣咨行外務部遵照辦理謹附片具陳伏乞聖鑒謹奏

(二九四)籌辦海軍大臣載洵等奏考察海軍酌帶隨員摺 宣統二年六月十四日

籌辦海軍大臣郡王銜多羅貝勒臣載洵等跪奏爲臣等擬於本年七月前赴美日二國攷察海軍並酌帶隨員以供任使恭摺仰祈聖鑒事竊上年臣等奏赴歐美各國攷察海軍事宜業蒙俞允飭下外務部知照英法德義奧俄美日八國駐京使臣通告各該國政府在案上年臣等出洋係先赴歐洲周歷英法德義奧俄六國迨在俄國攷察歲事已屆歲闌卽取道西比利亞鐵路先行回京清理臣處案牘現計臣等回京已逾數月一切案牘清理完竣美日二國旣經通告在前自應及早首途前往攷察庶不失信於外人現在公同商酌擬於

本年七月放洋先赴美國次赴日本所有途中一切事務亟須酌帶隨員以資佐理查上年所帶各員其任調查海軍事宜者係就臣處各司員中遴選奏派其任晉接酬酢之事者係就熟悉外交人員中奏明咨調此次出洋擬援案辦理仍就臣處遴選相當人員令其隨同攷察惟所選者宜新舊參半不必盡是上年奏派之人蓋藉此參錯調換則臣處可多培植數員使其經歷外洋參觀一切庶將來籌畫軍備多收臂助之益至外交人員一項上年所調者係通曉英法文字之員本年前赴美日酬酢之間無需法語自應調用嫻習英語日語人員藉通情款而資肆應惟臣等先赴美國通曉日語者不必同行擬令其先行留京俟臣等在美國攷察完竣前赴日本有期乃電飭各該員由京赴日以期節省經費茲謹將臣等前赴美日擬帶各員繕單恭呈御覽如蒙俞允卽由臣等分咨京外各該衙門飭令遵照所有本年七月臣等擬赴美日二國酌帶隨員各緣由謹恭摺具陳伏乞皇上聖鑒訓示謹奏  
宣統二年六月十四日奉硃批依議欽此

(三九四) 附件一

擬帶隨員名單

謹將宣統二年臣等前赴美日二國擬帶各隨員繕單恭呈御覽

計開

外務部丞參上行走前署左丞周自齊

軍學司司長曹汝英

軍法司司長鄭汝成

軍制司司長徐振鵬

駐滬參謀官鄭祖彝

軍防司司長林葆綸

軍儲司司長趙鶴齡

軍樞司司長馮 恕

軍法司司法官李景銖

廣西試用道張步青

以上十員擬帶赴美日二國張步青一員係自備資斧不支領薪水上年業經奏蒙俞

允在案合併陳明

民政部右丞延 鴻

江蘇補用道馮國勳

以上二員擬俟臣等在美國考察完竣電飭由京起程前赴日本

(三九四) 附件二 載洵奏本處司長以下各員酌加薪水以勵勤勞而昭激勸

片

再臣處司長以下各員薪水比照前海軍處銀數給發經臣等於宣統元年六月奏准照辦在案嗣以籌辦事件日益加增各員責成因而愈重所有各司司長司副及各科科长均應酌加薪水庶足以勵勤勞而昭激勸爰於本年二月將各司司長薪水定爲月支銀三百兩各司司副定爲月支銀一百八十兩各科科长定爲月支銀一百五十兩卽自是月起各照此次所定銀數動支理合附片陳明伏乞聖鑒謹奏宣統二年六月十四日奉硃批知道了欽此

(三九五) 山東巡撫孫寶琦致外務部電

宣統二年六月十五日到  
收電檔

禁牛出口事已於初十日電復旋奉蒸電復飭據東海關道查復俄商載馬璠卽烟台美商  
閑治行東確是一事前已允展限四個月此外並無美商日領但泛言南滿需牛並無日商  
販牛允以展限之事美使所言係屬誤會謹復寶琦刪

(三九六)發駐日本吳代辦吳振麟電

宣統二年六月十五日  
發電檔

長崎領事王斯沅現經奏准升署坎拿大總領事希飭遵外務部刪

(三九七)發出使各國大臣電

宣統二年六月十五日  
發電檔

前准日俄兩使面交協約本部現於本日照會該兩使略言此協約日俄既相約重視中日  
中俄日俄各約則於一千九百五年日俄和約所承認中國在東三省主權顧全列國機會  
均等並贊同中國設法振興東三省工商實業各節及光緒三十一年中日議訂東三省條  
約開放東三省主義均相符合且更確定中政府自應按日俄和約之宗旨實行中日條約  
之主義凡關於中國主權內之行動各國之機會均等及開發東三省之工商實業等事益  
當切實維持期於大局均有裨益等語除通照駐京各使並通電外希告外部外務部十五



日

(三九八) 發各省總督巡撫等電

宣統二年六月十五日  
發電檔

日俄兩使面交一千九百十年七月四日之日俄協約約文業登各報本部已於本日照會該兩使並通照駐京各使略言此協約日俄既相約重視中日中俄日俄各項條約則於一千九百五年日俄和約所承認中國在東三省主權願全列國機會均等並贊同中國設法振興東三省工商實業各節及光緒三十一年中日議訂東三省條約開放東三省主義均相符合且更確定中政府自應按日俄和約之宗旨實行中日條約之主義凡關於中國主權內之行動各國之機會均等及開發東三省之工商實業等事益當切實維持期於大局均有裨益等語特聞外務部十五日

(三九九) 駐韓總領事馬廷亮致外務部電

宣統二年六月十七日到  
收電檔

統監寺內正毅今午抵韓京謹電達廷亮十七日



(四〇〇)山東巡撫孫寶琦致外務部電

宣統二年六月十七日到  
收電檔

刪電謹悉日俄協約於東三省有密切關係鈞部援中日日俄各約通照各使聲明一切於主權保全甚大欽佩良深謹復寶琦鈑

(四〇一)發湖廣總督瑞澂等電

宣統二年六月十七日  
發電檔

日使面稱長沙村山領事因病請假現正商議賠款若待其回任續議未免需時已由外務大臣飭令駐京頭等參贊本多熊太郎假滿回京之便繞道長沙妥結此案請電督撫接洽等語希查照並飭優爲接待外外部十七日

(四〇二)湖南巡撫楊文鼎致外務部電

宣統二年六月十九日到  
收電檔

十七日電敬悉日本參贊來湘自當加意優待惟查各國償款法國業將議結英德亦已開議均尙和平日本賠款經村山領事調查明確現飭司道迭次會商大致就緒日內當可議結似可不必再候本多參贊來湘轉多耽延村山領事在湘彼此感情甚好情形熟悉可否轉商日使仍飭村山領事暫留速爲議結候事竣再行回國實於大局有裨統祈鈞部賜覆

楊文鼎叩十八日

(四〇三)發湖南巡撫楊文鼎電

宣統二年六月二十一日  
發電檔

十八日電悉當即面商日本伊使據稱此次賠款由領事調查請晰造冊呈報日外部經外務大臣核定交本多參贊前往會商非該參贊到湘不能辦結將來本多到時其和平亦與村山無異業聞已起程等語希查照外務部二十一日

(四〇四)北洋大臣陳夔龍致外務部電

宣統二年六月二十五日到  
收電檔

東三省日俄協約事奉咸電後當即飭行遵照龍因外間傳言紛紛謂有附約四條並未宣布皆係侵害我國主權之事歷經設法探訪尙未得其實在昨日駐津日領密屬洋務局員來言則謂並無另附密約請勿誤聽察其辭氣尙非虛未審大部近日所聞何如我駐日使館有無探報如果確有其事其內容云何尙祈密示儻各報所載不實當此人心未靖之時似宜密商民政部禁止浮言以免輾轉譌傳再有抵制進口洋貨等類舉動轉貽口實事關重要既有聞見用特密陳以備鑒察祈電覆龍有

(四〇五)發駐奧雷補同法劉式訓俄薩蔭圖義吳宗濂日本吳振麟各大臣電

宣統二年六月二十九日  
發電檔

茲奉國電一道文曰大清國大皇帝敬問大法義俄奧日本國大總統君主皇帝好據考察陸軍大臣貝勒載濤回京面奏此次前赴貴國渥承大總統君主皇帝眷遇優隆款接周至凡於攷察事宜多方贊助俾得取鏡有資並承特贈大綬寶星頭等寶星大綬寶星亞利山大寶星旭山桐花大綬章其隨員人等亦均賜賚有加具徵惠愛友邦推誠相待之美意朕心實深欣感中國與貴國交誼素篤嗣後必當更加親密用特專電致謝惟鑒察焉謹遵電達希譯送外部代遞外務部豔

(四〇六)東三省總督錫良致外務部稅務處電

宣統二年七月初一日到  
收發電檔

交涉司案呈會議撫順煤礦事據日議員要求該礦所出煤斤由安東運赴韓國緩照中俄陸路通商章程第十四款完納出口稅二分之一當由該司函詢據奉省稅司轉准安總稅司函稱俄約第十四款係專指俄商在張家口購買中國土產出口而言是以中文添有張

家口一處字樣例如俄商在張家口購買撫順煤運入俄國則可完納半稅否則不能照行等語並經該司據以駁復惟安東一埠轉瞬鴨綠江橋告成將來即係陸路此項稅則既不得照二分之一完納是否按照滿洲里陸路通商章程三分減一辦理抑或如何定擬謹電請鈞部會處酌核示遵良初一日

(四〇七)發駐韓總領事馬廷亮電

宣統二年七月初一日  
發電檔

秋季經費除扣留支一千六百二十兩外已飭滬道照撥外務部東

(四〇八)發駐日本大臣汪大燮電

宣統二年七月初一日  
發電檔

秋季經費並加通譯生六百兩暨吳仲賢整裝四百五十兩已飭滬道撥匯外務部東

(四〇九)發北洋大臣陳夔龍電

宣統二年七月初二日  
收發電檔

禁牛事來函已悉昨日日本使亦來言旅大等處日人所食全恃山東直隸各處之牛一經禁止立見困苦食牛本與耕牛不同照約亦非禁運之品等語此事各國既均有違言仍應酌

爲變通尊意擬俟七八月間察看情形爲期亦近如可弛禁希早日籌定並請會商東撫照辦外務部冬

(四一〇)外務部總理大臣奕劻等奏覆覈出使日本大臣胡惟德造報收支各款摺

宣統二年七月初四日

臣奕劻等跪奏爲前出使日本國大臣造報收支另款銀兩按款覆覈恭摺仰祈聖鑒事竊查奏定出使章程以電報費與學生學費之類仍照舊章辦理於年終造具細冊報銷以昭覈實歷經通行遵照在案茲據前出使日本國大臣胡惟德將宣統元年正月初一日起至二年四月三十日交卸止收支另款銀兩數目造具細冊咨送到部臣等覆加查覈其開支各款均與成案相符係屬實用實報應請准其開銷謹繕四柱清單恭呈御覽除將原冊存案外所有覆覈前出使日本國大臣收支另款緣由理合恭摺具陳伏乞皇上聖鑒再該大臣胡惟德現在補授臣部左侍郎例應迴避故未列銜合併陳明謹奏宣統二年七月初四日奉硃批知道了欽此

(四一〇) 附件一 清單

謹將前出使日本國大臣胡惟德造報宣統元年正月初一日起至二年四月三十日交卸止收支各款銀兩數目繕具四柱清單恭呈御覽

計開

一 舊管結存銀四千九百九十兩四錢六分六釐四毫九絲  
一 新收江海關道撥各款銀一萬千兩又撥橫濱總領事吳仲賢請假歸裝川資銀六百七十兩

以上管收兩項共庫平銀二萬一千六百六十兩四錢六分六釐四毫九絲

一 開除電報支銀一萬一千八百五十二兩九錢五分九釐

地租支銀二百三十三兩五錢二分八釐

學生學費川資等項支銀二千六百二兩四錢二分八釐

通譯生薪水學費支銀一千一百二十兩

橫濱總領事吳仲賢請假回籍歸裝川資支銀六百七十兩

代購報紙海圖等項支銀二百八十四兩六錢一分一釐

費遣難民支銀四百九十九兩五錢一分四釐

以上統共支庫平銀一萬七千二百六十三兩四分查係向准另支之款均屬實用實報應請准其開銷

一實在存庫平銀四千三百九十七兩四錢二分六釐四毫九絲據稱移交代辦使事二等參贊官吳振麟接收應俟續報另款到日再行計覆

(四一一)發吉林巡撫陳昭常電

宣統二年七月初五日  
收發電檔

據日本使稱接吉林領事報中國前拘韓人全成哲在老爺嶺獄幾死查被拏在界務未定以前請交未允如身故恐成交涉等語除面駁外該韓人係何病情已否身故希查明電復外務部初五日

(四一二)發駐日本大臣汪大燮電

宣統二年七月初六日  
發電檔

張鴻擬補本部郎中遺缺以張元節調補楊書雲補長崎不日具奏先聞外務部魚



(四一三)發駐日本大臣汪大燮電

宣統二年七月初六日  
發電檔

日本接待濤貝勒文武官員其中應請給寶星者請飭吳參贊速行詢明開單寄部外務部  
魚

(四一四)吉林巡撫陳昭常致外務部電

宣統二年七月十二日到  
收發電檔

全成哲案接電後當經轉飭查報茲據郭道復稱韓犯全成哲曾由府移交審判廳押於看守所並未會到老爺嶺地方刻詢明亦未患病查該犯應與玄德勝互行換釋業經外部與日使交涉在案又本年三月二十日蒙轉示督帥電開日使稱其政府已允於兩月內將玄德勝特赦回延惟要求不令復充鄉約等因職道當經照會日領於兩月將滿又屢面催永瀧始而要求釋放後不令回延當駁以與互換之義不符且該氓家族田廬盡在延吉不回與不釋無異繼又稱韓國法權現歸日本主持此案須俟日憲官奏准方能釋放等語刻逾釋放之期又將兩月永瀧亦假歸日京未返擬請電部就此要求日政府速釋玄德勝以便即釋全成哲免再延宕致生枝節等因乞查照轉復日使並請即釋玄德勝以便互換昭常

謹肅真



(四一五)東三省總督錫良致外務部電

宣統二年七月十三日到  
收發電檔

十二電敬悉現正與日領磋商撫順煤稅極費唇舌陸路通商日無專約既難援照但出口稅每噸一錢係海口章程陸路未能援引將來鴨江橋成突應照何項章程辦理仍請示遵良十三日

(四一六)東三省總督錫良奏東省大局益危密陳管見摺

宣統二年七月十五日發  
宣統二年七月十二日到

欽差大臣東三省總督兼管三省將軍奉天巡撫事臣錫良跪奏爲東省大局益危密陳管見恭摺仰祈聖鑒事竊維東省大局久成日俄分據之勢疊經臣將危迫情形及籌畫事宜先後奏陳在案近自兩國協約成立而大局益岌岌可危該協約全文第一條云兩國相與協力目的進行不爲有害之競爭是其在東省之勢力範圍固已區定劃分明認默許矣第三條云倘有侵迫之事件發生時兩國認爲必要措置隨時相互商議是直視若己國領土迫乎防禦同盟將來無論何事該兩國有認爲不便於己者皆得指爲侵迫協力抗禦我雖

絕對不認彼則聯合競爭不特蔑視中國主權且不許第三國人插足一二年後勢力彌滿東省豈尙爲我有哉况正約之外必又有特別之附約內容雖未探悉一則合併朝鮮一則侵佔蒙古均在意中禍患之來不知所屆在東三省非他乃祖宗陵寢所在而朝廷根本之重地也此而不保全局動搖中國其尙能自立乎雖及今補救已覺後時然萬無坐視危亡之理况以東三省壤地之廣物產之饒銳意振興未始無轉弱爲強之日此臣所由徬徨旦夕而不能不呼籲於君父之前者也伏維東省積弱之故首在土曠人稀吉江兩省荒涼尤甚東南東北沿邊數千里處處毘連俄韓有土地而無人民猶自棄也俄人於沿海卅歲移民數十萬分屯開墾市廛櫛比千里相望以荒廢之區經營十餘年遂成繁盛部落一入我境荒蕪滿目弱肉強食何以圖存近者日俄兩國皆設拓殖局一以內閣總理大臣領之一以戶部大臣領之隆重其事權增厚其魄力統一其殖民政策實逼處此以與我爭朝廷易爲保存東省計非通籌利害大展設施不足以挽救於萬一請擬於東省設立墾務局敕下度支部或特簡公忠素著之大員督辦其事派員前往內地招墾移民歲以若干萬人爲率分段墾闢按年進行內力漸充方可抵制外力惟茲事體大旣非數百萬金所能濟事亦非一二年內所能奏功現在內外同一艱窘無款可籌自惟有議借外債之一法該兩國以全

國力量逼我疆土我亦必須以全國精神奮迅經營力圖進步斷非東省一隅之地所能撐持應請敕部臣統籌全局貸款速理內外相維庶可補救如責令東省担代籌借時勢至此亦不敢有所推諉坐失機宜查東省地大物博應辦實業甚多即僅以礦產論如江省之甘河煤礦吉省之蜂密小煤礦蘊蓄宏富外人垂涎已久均爲絕大利源祇因交通未便以致貨棄于地如甘河煤礦須築鐵路六百餘里蜂密小煤礦須築鐵路二百餘里至少非有的款五六百萬金不能開辦此外如森林畜牧出產豐盈但使厚積本金均可保與大利擬請商借外債銀二千萬兩以一千萬兩設立東三省實業銀行以五百萬兩爲移民興墾之需以五百萬兩爲開礦築路之用此等借款用之于生利之途又嫌其多本爲各國所習慣且厚集洋債互均勢力尤與欽奉上年七月初四日諭旨相符臣擬即商借洋款俟借妥議訂合同後再行具奏惟款由東省商借非經政府承認則各國銀行未必樂從應請准予合同內聲明中國政府担認字樣以期見信外人以上辦法奏效雖迂機宜速現在錦瓊鐵路雖未議定若先修錦洮一段俄國當無異議故盧島開闢商港主權在我亦與他國無干一俟籌款有著同時並舉得寸得尺固未始非圖存之策也臣爲東局阡危亟圖補救起見謹披瀝密陳伏乞皇上聖鑒訓示謹奏宣統二年七月十二日

宣統二年七月十五日奉硃批外務部度支部妥速議奏欽此

(四一七) 駐日本大臣汪大燮致外務部電

宣統二年七月十六日到  
收發電檔

日本洪水爲災爲數十年所未有他國有國電慰問應請頒發國電可否援金山地震案酌量發帑賑濟以恤鄰災乞鈞裁大燮銑

(四一八) 東三省總督錫良致外務部電

宣統二年七月十六日到  
收發電檔

奉省交涉殷繁前奏調駐日代辦使事參贊官黃守致堯奉旨照准迄今未來擬請鈞部轉電劉公使飭令該守速來毋任緬感良銑

(四一九) 駐美大臣張蔭棠致外務部電

宣統二年七月十七日到  
收發電檔

美外部有人云錦愛鐵路借款一事關係中國極大我美籍此主持公理尊重中國主權其與協助中國振興可謂盡力此時惟日盼中國早斷有慰美望云棠十四日

(四二〇)發駐日本大臣汪大燮電

宣統二年七月十七日  
收發電檔

銑電悉日本水患係屬何地災情若何某國會發國電慰問現在如有他國助賑者其賑款若干務希即日電復外務部洽

(四二一)駐日本大臣汪大燮致外務部電

宣統二年七月十八日到  
收發電檔

聞日韓合併日內將發表詳情再電聞燮十八日

(四二二)駐韓總領事馬廷亮呈外務部電

宣統二年七月十九日到  
收發電檔

探聞統監擬先統治韓國政府不日發表合邦之舉俟今秋回東國會核定後頒行謹電達廷亮十九日

(四二三)發駐日本大臣汪大燮電

宣統二年七月十九日  
發電檔

此次日本水災情形甚重上意極爲廛念奉旨著出使大臣汪大燮親往慰問並發帑銀十萬元助振以表關切友邦之至意欽此希即欽遵賑銀即日送交伊集院使匯寄並聞外務

部效

(四二四)東三省總督錫良奏請獎日員寶星並請酌改前獎寶星等級摺

宣統二年七月十九日到  
宣統二年七月十五日發

欽差大臣東三省總督兼管三省將軍奉天巡撫事臣錫良跪奏為請獎日員寶星並請酌改前獎寶星等級開單恭摺具陳仰祈聖鑒事竊照駐華洋員有辦事出力裨益地方者歷請給獎以示鼓勵茲查安東采木公司成立時日本與議委員駐齊齊哈爾副領事塚與三吉陸軍少將小島好問陸軍通譯官橫山吏弓均屬辦事出力又駐遼陽日本陸軍三等軍醫正明石竹次郎在遼陽官設醫院內醫治病人甘盡義務省城巡警公所聘用日本陸軍憲兵大尉峰幸松屠場獸聘用陸軍三等獸醫赤木郁男農業學堂日本教習木村卯三郎營口巡警局日本教習陸軍憲兵少佐堀越順三郎當差勤慎已滿三年以上各員均未便沒其勞動相應仰懇天恩飭部獎給寶星以示榮寵復查前次臣奏准獎給日員安東貞美等寶星業經由部咨送到奉當即飭司轉交茲據試署奉天交涉使韓國鈞轉准日本總領事聲稱此次獎給各等寶星計安東貞美以下二十三名比較從前由貴國所贈之寶星等

級稍有不符等因呈報前來臣查日員前駐遼陽州第十四師團長陸軍中將男爵鮫島重雄甚期滿歸國時曾由我國獎給頭等第三寶星此次安東貞美卽繼鮫島重雄後任事同一律其餘各員亦有先領受我國等級較高之寶星謹開具清單恭呈御覽合無懇恩一併飭部分別改給各該日員寶星藉示優異除將原給寶星執照咨部外所有請獎日員寶星暨請酌改前獎寶星等級緣由理合恭摺具陳伏乞皇上聖鑒謹奏宣統二年七月十五日宣統二年七月十九日奉硃批外務部議奏單並發欽此

(四二四)附件一 清單

謹將日本文武各員職名分擬寶星並酌改等級繕具清單恭呈御覽

計開

日本陸軍少將小島好問

以上一員擬情賞給二等第一寶星

日本副領事塚與三吉

日本陸軍三等軍醫正明石竹次郎



日本陸軍憲兵少佐堀越順三郎

以上三員擬請賞給二等第三寶星

日本陸軍憲兵大尉峰幸松

以上一員擬請賞給三等第一寶星

日本陸軍通譯官橫山吏弓

日本陸軍三等獸醫赤木郁男

以上二員擬請賞給三等第二寶星

農業學堂日本教習木村卯三郎

以上一員擬請賞給三等第三寶星

駐遼陽日本第十師團長陸軍中將男爵安東貞美

以上一員已蒙賞給二等第二寶星擬請改給頭等第三寶星

步兵第二十旅團長日本陸軍少將藤本太郎

步兵第八旅團長日本陸軍少將津川謙光

以上二員已蒙賞給二等第三寶星擬請改給二等第二寶星

步兵第十聯隊長日本陸軍步兵大佐平岡茂

以上一員已蒙賞給三等第一寶星擬請改給二等第二寶星

騎兵第十聯隊長日本陸軍騎兵中佐吉利悌輔

以上一員已蒙賞給三等第二寶星擬請改給二等第三寶星

第十師團參謀長日本陸軍部兵大佐金久保万吉

第十師團經理部長日本陸軍一等主計正鶴田義紹

第十師團軍醫部長日本陸軍一等軍醫正守屋甫一郎

步兵第四十聯隊長日本陸軍步兵大佐八木下純

步兵第二十聯隊長日本陸軍步兵大佐小澤季治

以上五員已蒙賞給三等第二寶星擬請改給二等第三寶星

駐安東日本領事岡部三郎

勸業道農業試驗場技師長兼農業學堂日本正教習橫山壯次郎

以上二員已蒙賞給三等第一寶星擬請改給二等第三寶星

營務處日本教員堀米岱三郎

第十師團副官日本陸軍步兵中佐中川節

第十師團副官日本陸軍步兵少佐關東野

砲兵第十聯隊長日本陸軍砲兵中佐伊藤弦

以上四員已蒙賞給三等第二寶星擬請改給二等第三寶星

駐鐵嶺日本副領事村山正隆

以上一員已蒙賞給二等第三寶星擬請降一級改三等第一寶星

勸業道商務調查員井深彥三郎

勸業道樹藝技師長兼農業學堂日本教習角田啓司

森林學堂日本正教習三戶章造

衛生醫院日本醫士志熊貞治

衛生醫院日本醫士杉本浩三

以上五員已蒙賞給三等第三寶星擬請改給三等第一寶星

勸業道化學技師兼農業學堂日本教習石田研

以上一員已蒙賞給三等第三寶星擬請改給三等第二寶星

硃批覽

(四二五)駐韓總領事馬廷亮呈外務部電

宣統二年七月二十二日到  
收發電檔

報載日韓合邦有韓皇視日本皇族設朝鮮總督府各國條約裁判權即潛滅稅章照舊各條內公布等語公文到時應如何答覆乞鈞裁並電復廷亮二十二日

(四二六)駐韓總領事馬廷亮呈外務部電

宣統二年七月二十三日  
收發電檔

聞合邦條約八款係十八日蓋印二十五日發表廷亮二十三日

(四二七)考察海軍大臣載洵致軍機處外務部請代奏電

宣統二年七月二十四日到  
收發電檔

竊日本併吞韓國現已實行韓皇廢爲李王盡獻其土地於日韓人反對無不慘遭殺戮甚至偶語亦遭禁阻消息不許傳達蓋自伊藤去韓即已潛派師團豫謀逼脅非一日矣現查日人將有大不利於我之舉動危急存亡間不容髮我國庶政若再不加改革亟爲豫備竊

恐覆徹之虞禍在眉睫不勝恐懼迫切之至載洵見聞較確冒死密陳乞代奏載洵二十三  
日

(四二八) 駐韓總領事馬廷亮致外務部電

宣統二年七月二十四日到  
收發電檔

頃統監府函送合邦條約宣詔英文譯稿定二十五日發表請為秘密條約內一韓皇讓國  
與日二日皇收受三予韓皇等爵俸四賜皇族官產五封韓大臣六保護韓人生命財產七  
酌用韓官八批准施行宣詔內一廢各國條約收裁判權二稅則照行十年三有約各國船  
隻往來日韓商埠亦限十年四商埠照舊添新義州等語查詔內各條與領事華商頗有關  
繫乞鈞裁並電復俾轉飭遵照廷亮二十四日

(四二九) 駐韓總領事馬廷亮呈外務部電

宣統二年七月二十五日到  
收發電檔

合邦條約今日發表大致因二十四日電封韓皇為李王改稱朝鮮設總督府餘詳函廷亮  
二十五日

(四三〇)發駐韓總領事馬廷亮電

宣統二年七月二十五日  
收發電檔

二十二二十四兩電均悉昨日使面交合併條約及宣言書詞義與來電略同並云馬山浦不作商埠其餘各國利益除警察裁判權外仍暫照行等語該約宣布各國如何應付我亦一律辦理希隨時詳酌電外務部

(四三一)發駐日本大臣汪大燮電

宣統二年七月二十六日  
收發電檔

禁衛軍軍醫監督游敬森八月間赴東考查軍醫事屆時希派譯員襄助外務部有

(四三二)朝鮮國會總理來電

宣統二年七月二十七日到  
收發電檔

北京外務部大臣鑒朝鮮國會致歐美列強及中國電爲日本吞併朝鮮求伸公理事日本對我韓人誠爲最堪痛恨之仇敵屢次違背互定之條約殘暴不仁不守公法藐視公理種種舉動有非言語所能形容者現在日本又預備知照各國實行吞併朝鮮之事此實爲反抗朝鮮人心願之舉動日本乃以強暴手段加諸我國令我韓人服從其踐踏而後已此等舉動非徒種種有傷現在和局而於將來亦不免生出無窮之戰爭如貴國欲保守大局之

和平敢望貴國遵守公法維持公理起而干預日本吞併朝鮮之事深願貴國追念朝鮮與世界各國邦交素稱和好而不忍忽然置之也朝鮮國會總理電

(四三三) 駐日本大臣汪大燮致外務部電

宣統二年七月二十九日到  
收發電檔

洵邸廿六行抵大版準備登舟廿八得橫濱電滿洲船有傳染症被驗扣留廿九判定至八月初八放行現駐鎌倉定廿九三十日閱橫濱賀軍港並京東灣要塞初一起室蘭閱船廠初五日橫濱上船燮仍隨行謹聞燮豔

(四三四) 外務部總理大臣奕劻等奏議覆錫良密陳東省大局摺

宣統二年八月初二日

和碩慶親王臣奕劻等謹奏爲遵旨安速議奏摺會陳仰祈聖鑒事東三省總督錫良奏東省大局益危密陳管見一摺宣統二年七月十五日奉硃批外務部度支部安速議奏欽此欽遵由軍機處鈔交到部原奏內稱竊維東省大局久成日俄分據之勢疊經臣將危迫情形及籌劃事宜先後奏陳在案近自兩國協約成立而大局益岌岌可危伏維東省積弱之



故首在土廣人稀吉江兩省荒涼尤甚東南東北沿邊數千里處處毘連俄韓有土地而無人民猶自棄也俄人於沿海州縣歲移民數十萬分屯開墾市廛櫛比千里相望以荒廢之區經營十餘年遂成繁盛部落一入我境荒蕪滿目弱肉強食何以圖存近者日俄兩國皆設拓殖局一以內閣總理大臣領之一以戶部大臣領之隆重其事權增厚其魄力統一其殖民政策實逼處此以與我爭朝廷苟爲保存東省計非通籌利害大展設施不足以挽救於萬一擬請於東省設立墾務局飭下度支部或特簡公忠素著之大員督辦其事派員前往內地招墾移民歲以若干萬人爲率分段墾闢按年進行內力漸充方可抵制外力惟茲事體大既非數百萬金所能濟事亦非一二年內所能奏功現在內外同一難窘無款可籌自惟有議借外債之一法該兩國以全國力量逼我疆土我亦必須以全國精神奮迅經營力圖進步斷非東省一隅之地所能撐持應請飭部臣統籌全局貸款速辦內外相維庶可補救如責令東省擔代籌借時勢至此亦不敢有所推諉坐失機宜查東省地大物博應辦實業甚多即僅以礦產論如江省之甘河煤礦吉省之盞密山煤礦蘊蓄宏富外人垂涎已久均爲絕大利源祇因交通未便以致貨棄於地如甘河煤礦須築鐵路六百餘里盞密山煤礦須築鐵路二百餘里至少非有的款五六百萬金不能開辦此外如森林畜牧出產豐

盈但使厚積本金均可徐與大利擬請商借外債銀二千萬金以一千萬兩設立東三省實業銀行以五百萬兩爲移民興墾之需以五百萬兩爲開礦築路之用此等借款用之於生利之途不嫌其多本爲各國所習慣且厚集洋債互均勢力尤爲欽奉上年七月初四日諭旨相符臣擬卽商借洋款俟借妥議訂合同後再行具奏惟款由東三省商借非經政府承認則各國銀行未必樂從應請准於合同內聲明中國政府擔任字樣以期見信外人以上辦法奏効雖迂赴機宜速現在錦瓊鐵路雖未議定若先修錦洮一段俄國當無異議胡盧島關商港主權在我亦與他國無干一俟籌款有著同時並舉得寸得尺固未始非圖存之策等語臣等伏查上年八月間該督奏借款築路臣部於會陳摺內卽首以振興實業爲言嗣該督妥籌辦法於是有築路興業二者兼營並進之說然該督原奏仍稱興辦實業在先營鐵路故臣部會同議覆卽先准借款築路其借款興辦實業一節暫從緩議誠以殖業銀行例准商民集資開設可由該督設法招徠亦以借款修路該省籌還本息擔負業已不輕次第設施辦法固應如是也現錦瓊鐵路久未定議而時艱日迫經營實業自不能再事遷延固圉必先實邊旣庶乃可致富以東省地大物博儻經理得法富強可待何止圖存該督此次擬借外債銀二千萬兩設立東三省實業銀行以五百萬兩爲移民興墾之需以五百

萬兩爲開鑛築路之用外資過鉅雖非良圖然用之生利之途非藉爲消耗之用既爲各國所習見亦符均勢之本謀臣部公同商酌擬卽照該督所請准由東省商借妥訂合同先行分咨臣部覈定再爲籤押惟前項借款如何籌抵原奏未及聲明查該省前次擬借路款所有籌還本息係由該省自行籌定此次原奏稱如責令東省擔代籌借不敢有所推諉自係早經設籌不致無著至原奏請於東省設立墾務局特簡大員督辦一節應俟借款定議由該督奏明請旨辦理所有遵議緣由理合恭摺會陳伏乞皇上聖鑒訓示再此摺係度支部主稿會同外務部具奏合併聲明謹奏宣緒二年八月初二日奉硃批依議欽此

(四三五) 駐日本大臣汪大燮致外務部電

宣統二年八月初三日到  
收電檔

洵邸原定由美乘地洋丸來東此番在日延遲四日祇得改乘蒙古船來計須十月初十到東比原定遲到兩旬故擬在日本僅留七日惟原開閱視各港及酬應日期係按十八天列單現以資政開院洵邸須早日回京與海軍大臣商改時期已允照七日排定如晤伊集院時乞與接洽燠冬

(四三六) 駐日本大臣汪大燮致外務部電

宣統二年八月初三日 到  
收電檔

滿洲船檢疫被扣美公司不承認經美使交涉特別放行洵邸仍乘該船於朔日一鐘在橫濱開行謹聞燮冬

(四三七) 發吉林巡撫陳昭常電

宣統二年八月初四日  
收發電檔

玄德勝一案初二日函計達茲准日使函復已電達政府奏請特赦希即將全成哲先行釋放以期早結並電復外務部支

(四三八) 出使日本國大臣汪大燮奏行抵日本接印日期摺

宣統二年八月初四日到  
宣統二年七月初二日發

出使日本大臣郵傳部左侍郎臣汪大燮跪奏為恭報微臣行抵日本接印日期叩謝天恩恭摺仰祈聖鑒事竊臣欽承恩命出使日本六月十五日陛辭仰蒙召見訓誨周詳旋於二十二日出京二十三日由天津乘坐日本郵船放洋七月初二日行抵日本東京當經電達外務部代奏在案即日准代辦使事二等參贊官吳振麟將前任使臣胡維德移交出使大

臣銅質關防暨文卷等件齎送前來臣當卽恭設香案望闕叩頭祇領任事伏念臣以輜材歷役歐美茲復忝膺使節修好鄰邦查中日密邇同洲交涉事件視他國更爲繁重兼以通商勸學胥待統籌臣惟有遠兼宸謨謹持大體遇事相機因應隨時咨商外務部妥慎辦理以期仰答高厚鴻慈於萬一所有微臣感激下忱並行抵日本接印日期理合恭摺具陳伏乞皇上聖鑒謹奏宣統二年七月初二日

宣統二年八月初四日奉硃批知道了欽此

（四三九）

出使日本國大臣汪大燮奏呈遞國書禮成摺

宣統二年八月初四日到宣統二年七月十一日發

出使日本國大臣郵傳部左侍郎臣汪大燮跪奏爲呈遞國書禮成恭摺仰祈聖鑒事竊臣於七月初二日行抵日本東京接印視事當經具摺奏報在案臣於初五日往晤該國外部旋准照會日皇定於十一日接見是日宮內省派員遣車相迓臣率同二等參贊官吳振麟恭齎國書敬謹呈遞循例申致頌詞宣揚聖意日皇肅立祇受訖恭請皇上聖安敬問攝政王好兼暨親貴大臣答詞大意以中日誼屬同洲邦交最久深願益加親睦爲言並慰問數語禮畢而退所有微臣呈遞國書禮成緣由理合恭摺具奏伏乞皇上聖鑒謹奏宣統二年

七月十一日

宣統二年八月初四日奉硃批知道了欽此

(四四〇) 駐日本大臣汪大燮致外務部電

宣統二年八月初八日到  
收電檔

德國前殖民大臣到東京日皇賜宴並授一等桐花大綬章桂總理小村外部後藤郵部暨各縉紳款宴無虛日留東兩星期即赴中國又中國招請之美國實業團過此僅一日東京士民歡迎若狂德美士員到華所經地方似宜飭諭官商優加禮待以善鄰交變初八日

(四四一) 發上海道電

宣統二年八月十二日  
收發電檔

駐日參贊黃致堯川裝銀一千伍百三拾兩即撥駐法劉大臣轉給外務部文

(四四二) 東三省總督錫良致外務部電

宣統二年八月十三日到  
收電檔

延吉全成哲玄德勝案前准鈞函當經轉電吉林照辦去後茲准電稱已飭據郭道照地知方檢察廳將該犯送驗即在局子街開釋並分電鈞部諒邀鑒察玄德勝應請轉知迅速釋

放仍盼示復良文

(四四三) 東三省總督錫良電

(四四三) 發吉林巡撫陳昭常電  
宣統二年八月十三日  
收發電稿

真電悉吉哈均係商埠輪船往來地方官本有保護之責此次俄輪來省自必經哈報關似難諉為不知如必派兵隨輪只可由我自辦來電各節礙難據復俄使頃准錫帥電謂地方鬻匪猖獗究屬無可推諉與本部所見正同若以不負責任為詞恐啓彼籍端干預之漸殊於大局有礙現在辦法以從速緝犯嚴行剿辦為要如辦理認真匪風自戢外人即無從藉口除酌復俄使外希查照電復外務部十三日

(四四四) 發東三省總督錫良電  
宣統二年八月十四日  
收發電稿

東省馬賊猖獗日使請設法剿滅上月廿五日函達在案即將辦理情形電復以備應用外

務部十四日

(四四五) 駐日本大臣汪大燮致外務部電  
宣統二年八月十七日到



日人都甲昂來署稱受步軍衙門命捉革黨並購短鎗廿枝擬請使署證書等語密查此人極招搖乞密告步軍衙門儻有其事務宜取消如無其事乞電覆燮洽

(四四六) 吉林巡撫陳昭常致外務部電

宣統二年八月十九日到  
收電檔

前日接奉函件當略抒鄙見具函謹覆計已登察茲探得延吉韓僑數千戶同時願入我國籍查我國自大清國籍條例頒布後韓民之來歸化者迭經飭令地方官按照條例斟酌辦理茲延吉韓僑欲歸化者至數千戶之多但使寄居者以次入籍其續來者能援照內地無雜居之例祇准住居商埠不許再事耕種似於籌邊或可消除隱患惟事機瞬息萬變慮被日使偵知致向鈞部曉瀆橫生枝節除飭東南路道從速趕辦並電商民政部外謹以奉聞再前函懇請鈞部向日使提議廢去中韓界務條約是否可行乞迅賜電復不勝感禱昭常  
謹肅皓

(四四七) 東三省總督錫致外務部電

宣統二年八月二十日到  
收電檔

十四日電敬悉東省匪務現已奏明選派大員分路督會陸防各軍實力剿辦除咨達外先

此電復良號

(四四八)東三省總督錫良致外務部電

宣統二年八月二十二日到  
收發電檔

二十一日電敬悉東省應募外債與辦實業前在長春時曾與陳撫議論東局泛談及此却無由吉省借款二千萬之說德人巴士亦未見面至本月十六日接陳撫來函並其單銜片稿始知有此事自與奉省奏借二千萬之案係屬兩起應如何核復之處謹請鈞裁良養

(四四九)吉林巡撫陳昭常致外務部

宣統二年八月二十二日到  
收電檔

頃接延吉郭道電稱全成哲遵釋後照催日領速將玄德勝釋回昨得覆文此案已電問東京外務省據稱玄德勝已經確定裁判須特赦始釋我政府正在詳議如何確定再行通知等語是玄德勝現在似尙未赦用特電聞云云查全成哲我既先釋彼即應立將玄德勝赦免今如日領照稱各節是其能赦與否竟未可知應請鈞部嚴催速赦以踐前言爲禱昭常謹肅馮

(四五〇) 發駐日本大臣汪大 電

宣統二年八月二十三日  
收發電檔

洽電日人購槍事詢據步軍衙門復稱會交日人都姓八百元託其由東京購辦手槍二十桿並無囑令辦理事件及請公使發護照情事乞電致汪公使將前購槍之議作罷至所領之八百圓卽行扣留等語希酌辦外務部二十三日

(四五二) 駐韓總領事馬廷亮呈外務部電

宣統二年八月二十四日到  
收發電檔

德國前藩部 *Dernburg* 來函遊歷日官款待甚周今早往安東聞由奉赴大連膠州後到北京謹達廷亮二十四日

(四五三) 駐韓總領事馬廷亮呈外務部電

宣統二年八月二十七日到  
收發電檔

朝鮮官制頃已發表設總督一政務總監一分置五部長官二十八日施行餘詳函廷亮二十七十七日

(四五三) 出使日本國大臣汪大燮奏遵旨慰問日本水災並據情代奏申謝摺

宣統二年九月初五日到  
宣統二年八月十二日發

出使日本國大臣郵傳部左侍郎臣汪大燮跪奏爲遵旨慰問日本水災並據情代奏申謝  
恭摺仰祈聖鑒事本年七月初旬日本國內連日大雨如注其東京暨埼玉等十三府縣河  
流泛溢被災甚重七月二十日准外務部電開奉旨著出使大臣汪大燮親往慰問並發帑  
銀十萬元助賑以表關切友邦之至意欽此欽遵賑銀即日交伊集院使匯寄等因臣遵旨  
親往日本外務省慰問業經電達外務部代奏在案茲據日本外務大臣文稱敝國水災蒙  
貴國大皇帝助賑銀十萬元由伊集院公使轉寄到東業已移交內務大臣分賑被災各府  
縣伏惟貴國大皇帝湛恩渥渥敝國君民同深感謝擬請代奏申謝等情前來臣查日本此  
次水災淹沒田廬四十餘萬該父老言爲數十年來所未有其政府拯災之策以安輯流離  
調護疾病爲治標之法以浚渫河川培植林木爲治本之圖用款分配停勻釐然有當皇仁  
遠被其感激係出至誠謹將遵旨慰問日本水災並代奏申謝緣由恭摺具陳伏乞皇上聖  
鑒謹奏宣統二年八月十二日

宣統二年九月初五日奉硃批知道了欽此

(四五四) 發駐日本大臣汪大燮電

宣統二年九月十五日  
發電檔

張元節補英二等參贊本日奏外務部刪

(四五五) 駐日本大臣汪大燮致外務部轉郵傳部電

宣統二年九月二十二日到  
收電檔

洵邸安抵東京乞飭新銘早日到長崎載行李後廿九履引港駛赴佐世保軍港候駕己與日政府商准進港燮養

(四五六) 駐日本大臣汪大燮致外部電

宣統二年九月二十二日到  
收電檔

洵邸廿一午刻安抵東京住芝離宮謹聞燮養

(四五七) 發駐日本大臣汪大燮電

宣統二年九月二十三日  
發電檔

電悉神戶領事擬以吳爾昌調補譚培森調署西班牙二等參贊餘照辦日內具奏外務部

漾對日本國大臣汪大燮奏汪大燮與英法德意俄日各國水災並對對力奏申維

(四五八) 考察海軍大臣載洵等致外務部請代奏電

宣統二年九月二十四日到電檔

載洵等於九月二十一日行抵日京二十三日覲見日皇接待甚優承贈載洵勳一等旭日桐花大綬章一座鎮冰一等旭日章一座隨員十二人人各勳章一座現擬二十六日啓行續行考查所有承贈勳章應否收受佩帶之處伏乞皇上訓示謹請代奏載洵薩鎮冰敬

(四五九) 發駐奧大臣雷補同電

宣統二年九月二十五日發電檔

胡德望調補日本額外三等參贊遺缺以劉錫昌調補本日奏准外務部有

(四六〇) 發考察海軍大臣載洵等電

宣統二年九月二十五日發電檔

奉旨載洵等電奏悉日皇贈給勳章均著准其收受佩帶欽此樞徑

(四六一) 軍機處電寄載洵諭旨

宣統二年九月二十五日電寄檔

奉旨載洵等電奏悉日皇贈給勳章均著其收受佩帶欽此九月廿五日軍機大臣署名臣奕臣毓臣那臣徐

奉旨諭旨奉 皇儲儲德章世著其弟受賜德煊共六員廿五日軍機大臣等奉

(四六) 軍機大臣等奏請旨 宣統二年八月二十五日

奉旨諭旨奉 皇儲儲德章世著其弟受賜德煊共六員

(四六〇) 奉旨諭旨奉 皇儲儲德章世著其弟受賜德煊共六員 宣統二年八月二十五日

奉旨諭旨奉 皇儲儲德章世著其弟受賜德煊共六員

(四六八) 奉旨諭旨奉 皇儲儲德章世著其弟受賜德煊共六員 宣統二年八月二十五日

奉旨諭旨奉 皇儲儲德章世著其弟受賜德煊共六員

奉旨諭旨奉 皇儲儲德章世著其弟受賜德煊共六員

奉旨諭旨奉 皇儲儲德章世著其弟受賜德煊共六員

(四六八) 奉旨諭旨奉 皇儲儲德章世著其弟受賜德煊共六員 宣統二年八月二十五日



清宣統朝中日交涉史料卷六

(四六二) 駐日本大臣汪大燮致外務部請代奏電

宣統二年十月初一日到  
收電檔

洵邸考察海軍日皇令宮內海軍省按兩皇族優禮接待沿途四民歡迎九月三十日事竣一切妥善於申初二刻在佐世保乘海圻回京乞代奏大燮東

(四六三) 發駐日本大臣汪大燮電

宣統二年十月初一日  
收發電檔

冬季經費已飭滬道撥匯外務部東

(四六四) 發駐韓總領事馬廷亮電

宣統二年十月初一日  
收發電檔

冬季經費扣留支外一萬三千一百十六兩已飭滬道撥匯外務部東

(四六五) 發駐日本大臣汪大燮電

宣統二年十月初六日  
收發電檔

茲奉國電一道文曰大清國大皇帝敬問大日本國大皇帝好據考察海軍大臣貝勒載洵等回京面奏此次前赴貴國周歷各港渥承大皇帝優禮款待情文周至並承特贈一等旭

日桐花大綬章一等旭日章光榮逾格其隨從人員亦均承賞賚各勳章且於考察事宜多方贊助獲觀造礮鍊鋼各廠以及商船海軍各學校藉資參證取鏡有資具徵大皇帝篤念邦交推誠相待之美意朕心實深感荷此後兩國邦交自必愈臻親密用特專電申謝惟鑒察焉謹遵電傳希譯送外部代遞外務部魚

(四六六) 駐日本大臣汪大燮致外務部電

宣統二年十月初十日到  
收電檔

各國駐韓領事今將隸屬於駐日各使署便於呼應靈敏事機統一曾與駐日各使談及皆極重視此間並擬先往察視英使業經前往燮擬將此間積牘清理即赴韓一行所有詳細各節容再籌陳如何希電復燮初十日

(四六七) 發駐日本大臣汪大燮電

宣統二年十月十一日  
發電檔

初十日電悉各國駐韓領事嗣後直隸駐日使署中國亦可順便訪查現在日人對待在韓華僑情形以便應付希隨時詳告外務部十一日

(四六八)發東三省總督錫良等電

宣統二年十月十三日  
發電檔

玄德勝一案准日本使函稱業經政府奏請將該員特赦已由駐韓督於初九日釋放請轉知該管官勿再派給差使等因希查照飭遵外務部元

(四六九)湖廣總督瑞澂致軍機處外務部請代奏電

宣統二年十月十五日到  
收電檔

湖北提督陸軍第八鎮統制官張彪頃接駐漢日本國領事來栖三郎函以奉該國皇帝訓諭惠贈該提督勳一等旭日大綬章一座請擇日接受云查張彪係一品武職大應員否收受佩帶應請鈞處鈞部據情代奏請旨欽遵辦理瑞澂咸

(四七〇)駐日本大臣汪大燮致外務部電

宣統二年十月十六日到  
收電檔

長崎通譯擬王萬年暫署神戶通譯擬楊彥潔暫署橫濱通譯擬李家駿暫署橫濱二等書記擬以學務通譯孫士傑暫署雙銑

(四七一)發湖廣總督瑞澂電

宣統二年十月十六日  
收發電檔

奉旨瑞澂電奏日皇贈湖北提督陸軍第八鎮統制官張彪勳一等旭日大綬章應否收受等語著准其收受欽此樞鈔

(四七二)軍機處電寄瑞澂諭旨

宣統二年十月十六日  
電寄檔

奉旨瑞澂電奏日皇贈湖北提督陸軍第八鎮統制官張彪勳一等旭日大綬章應否收受等語著准其收受欽此十月十六日軍機大臣署名臣奕(假)臣毓臣那臣徐

(四七三)發上海道電

宣統二年十月十八日  
發電檔

日本使稱據上海領事電小島全次郎在浦東設製造燐寸會社需用鹽酸加里滬道以會社撤去或遷移後方許輸入遷移與輸入係屬兩問題該項鹽酸存放關棧遲至西本月廿三日期滿爲日已迫設有損失須要賠償請電滬道速行准放至遷移或撤去一層須彼此查明方可決定答以俟電滬道酌辦貴館亦須電飭領事如查有危險情事即當遵遷或撤去等語該項鹽酸此時能否通融驗放應即查酌情形妥籌了結並電復外務部巧

(四七四)滬道呈外務部電

宣統二年十月二十日  
收電檔

巧電敬悉查日商所運鹽酸加里先未經蔡前道稟准茲日領寄公使電有存放關棧之語未奉稅務處核准率運存關棧本與定章不符惟既存關棧卽已進口輸入一層無可再議勢難勒令運回應請憲台轉商稅務處姑予通融至火柴廠危險租界內不准設立乃該日商先未稟領事轉商地方官核准遽擬建築於浦東人烟稠密之區輿情實有未洽自應商令遷移以保公安現姑由職道函囑稅司將該項鹽酸代爲妥存勿任損失俟火柴廠遷妥方准出棧擬乞鈞部告知日使飭遵是否候示遵行燕翼稟効

(四七五)發駐日本大臣汪大燮電

宣統二年十月二十日  
發電檔

領署通譯已奏定嗣後改派均作三等現崎神譯員似應照新章更調希核覆謙等號

(四七六)發山東巡撫孫寶琦電

宣統二年十月二十日  
發電檔

資政院質問本部說帖內稱黃縣所屬之龍口日本自由開港有無其事希卽電復外務部

號

(四七七)東三省總督錫良奏密陳東省籌辦情形摺

宣統二年十月二十日發  
宣統二年十月十六日發

欽差大臣東三省總督兼管三省將軍奉天巡撫事臣錫良跪奏爲遵旨密陳東三省大局應行分別籌辦情形恭摺仰祈聖鑒事竊臣承准軍機大臣字寄宣統二年八月二十二日奉上諭熊希齡奏朝鮮旣併滿洲益危非大變政策無以救亡圖存密陳管見四條著錫良按照所陳各節嚴密體查悉心規畫應如何分別籌辦之處著卽逐一覆陳候旨遵行原摺著摘抄給與閱看等因欽此遵旨寄信前來臣查原摺所陳四條一曰東三省已設各洋關一律裁撤作爲無稅口岸等語竊謂設關收稅雖爲國家正項之歲入如因地方未能發達欲以鼓勵進出口之貨原可減輕豁免以利開通英國倫敦爲世界商務最盛之區卽係無稅口岸是謀國者能注意于遠大必不計目前照例之進項方足以成雄偉之圖今東三省出口貨物逐年漸見增多而地利未盡者尚不下十之七八如果一律改爲無稅口岸使貨本更輕銷路愈旺營業者與運售者彼此交歡相率投資則求過於供不出數年將無不關之利源無不盡之地方與其爲閉塞之經營誠不若開通之變化擬請由外務部與各國使臣商定徵收營業銷場等稅辦法後明降諭旨將東三省各關一律裁撤以十年爲限十年

之後察酌情形仍可再行收稅查東三省各關稅歲入統計約三百餘萬兩大連營口係歸部收其餘皆爲東三省預算的款裁撤之後必須籌款抵補况爲大局遠計目前欲結各國之均勢將來可期內地之發達以得償失輕重懸殊自不能因此區區而阻大計此裁撤洋關之策之可以實行者也二曰改東三省通商條約許各國商人雜居內地等語竊謂內地雜居必以主權在我爲要著原奏謂日人不遵約章雜居城鎮無法使之遷徙不如使各國商人任便居住其意若謂與其使日人恣行破壞不若使各國互相維持惟既准雜居則當任其保護警察裁判之務必須完備足用而後主權可保倘目前行政實力尙未充足則彼之商民於受我治理之規條必不肯帖然承認是雜居而無主權將來更難約束况日俄言我接壤各國與我篤隔旣准一體雜居則日俄來者麤至勢不可禦各國商務未旺來者必不甚多日俄雜居之民勢將喧賓奪主其恣行破壞必有更甚於今日者爲今之計可與各國密約以數年爲限爲我預備開放之期屆期之日收回治外法權准其雜居內地一面急用全力擴充警察裁判分年預籌逐漸推廣必使我之力量足以完全管領彼之商民一律願就範圍庶幾有條不紊流弊可免此內地雜居之計之宜從慎行者三曰東三省礦產森林均許各國商人設立公司招股承辦等語竊謂東三省現在情形惟以招徠洋商吸收外



資爲最急其開礦章程准附外股業於明奉諭旨然純係洋股不入華股似亦未宜臣擬特立東三省興辦實業章程所有開礦採木藉種收畜製造紡織各事一律招人開辦其辦法分爲二種一爲華洋合資之公司一爲華人領辦洋人承租之公司寬其規條束以年限使洋商可獲投資之利而中國不失收回之權但使有數處公司成立則聞風興起者必不乏人目下已有洋商來請試辦農業者容議有眉目卽當奏明立案此招設公司之已在試行者也四曰加借外債經營移民開墾等語竊謂東三省大局危迫自應大舉以圖速效然其提綱挈領之要務則在於錦愛鐵路一事誠使鐵路卽行開辦則精神振作血脈貫通一切移民開墾均可應弦赴節事半功倍應辦之事千頭萬緒原奏所稱此次借債二千萬兩爲數太少無濟於事誠爲灼知局中甘苦之論若使錦愛鐵路未能卽定則勉強興辦糜費更多日復一日事事皆落後著臣當察度情形於萬不可緩者隨時奏明辦理只求款能應手則進步必速誠能由部預籌鉅額存儲銀行專爲東三省指撥之用尤爲深幸此加借外債經營移民開墾之利在速行者也細察四端之宗旨皆以實行開放爲主義所見遠大與願此失彼畏首畏尾者不可同日而語臣自知才絀平日亦以謹慎保守淞本然當此時艱日受激刺非沈舟破釜有進無退斷無可以倖存之望朝廷如垂念東三省所處之奇危請以

原奏所陳四端列爲預定之政策步步著著依此實行至於進行之步驟秩序由臣隨時奏陳請旨遵辦臣惟有勉竭駑鈍收集才能合羣策羣力之長取得步進步之勢籍以仰答畀任之重於萬一所有遵旨議覆緣由理合奏摺密陳伏乞皇上聖鑒訓示謹奏宣統二年十月十六日

宣統二年十月二十日奉硃批該衙門妥議具奏欽此

(四七八) 駐日本大臣汪大燮致外務部電

宣統二年十月二十二日到  
收電檔

新章想係近日奏定此間尙未奉到崎神譯員自應遵辦惟李家駿係二等書記未便降署橫濱通譯擬以孫士傑試署燮養

(四七九) 發上海道電

宣統二年十月二十二日  
發電檔

日商運鹽酸事來電已面告日使並咨稅務處轉飭滬關於前項鹽酸存棧限滿時姑予通融毋庸勒令運回至遷廠事應由道與日領磋商外務部馮

(四八〇)發駐日本大臣汪大燮電

宣統二年十月二十三日  
發電檔

崎神譯員照辦濱係總領未改三等擬仍以李家駿奏署謙等漾

(四八一)發南洋大臣張人駿電

宣統二年十月二十八日  
發電檔

張三寶案已據約照駐日使茲准該使照復仍援中日通商條約第二十二條堅拒華員觀審並稱向來日本領事裁判所審理案件無中國官憲觀審之例究竟從前中日關涉刑事案件有無觀審成案希電飭滬道詳細查明迅即電復以憑照駁外務部二十八日

(四八二)吉林巡撫陳昭常致外務部電

宣統二年十一月初七日到  
收電檔

撫順煤稅率經奉天會議二十餘次尙未協定日商松昌公司遽將撫煤運到伊通州販賣奉省銷煤素不收稅伊通稅局援吉省例向收不允交涉司與日領開談判堅執稅率未定不能徵收之稅且援奉省爲比例茲擬三項辦法一稅率未定以前既不徵收即不准販賣一暫將烟煤噸數存記俟稅率既定鼓照數補交一竟援奉省例聽其販賣暫不徵收惟奉省銷煤一概不稅非於撫煤特別吉省凡煤皆稅習慣情形不同茲若援奉省防似與稅務

有礙究應如何對付之處乞鈞部裁核迅賜電覆昭常虞

(四八三) 駐日本大臣汪大燮致外務部電

宣統二年十一月初七日到  
收電檔

今日起程赴朝鮮謹聞燮陽

(四八四) 兩江總督張人駿致外務部電

宣統二年十一月初八日到  
收電檔

頃據滬道電稟日人刃斃華民張三寶案卅電敬悉遵卽細查僅有光緒十七年沈關福被日人福原等歐斃由縣廨與日領會訊之案事在中日未經改約以前當先電詢各關接蘇州關道委復光緒廿四年九月廿一日卅五號華補被日本吉利罐商人稿本用刀刺傷奉總署函准駐京口使分飭駐蘇領事訊斷經關道派洋務員蔡倅匯滄於廿五年華三月初四觀審案卷確鑿又津海關道電復光緒三十二年日人石附宇舌等謀害臣民張樸齋身死一案梁前道照准日領復稱按日本庭法領事無定重罪之權將犯解長崎裁判所定罪請派員赴長崎觀審經詳院咨駐明日欽使就近派觀各等因職道查馬關條約第六款載明以中國與泰西各國現行約關爲本英美商人被華民控告之案均派華員觀審日本豈能獨異蘇州巡捕被日人刺傷派蔡委觀審已在馬關訂約之後卽爲中日刑事案件應由

中國官員觀審之明證况天津日人石附宇吉謀害華人身死重犯解送長崎審辦尙可派員往觀日使所稱向來日領裁判所審案無華官觀審之例殊爲巧辯應請憲台轉部據案駁回並商日使飭命日領定期集訊俾屆期觀審商辦至禱等語祈察照核辦示復飭遵爲荷人駿虞

(四八五)駐韓總領馬廷亮呈外務部電

宣統二年十一月初十日到  
收電檔

汪公使來函視察昨晚抵京住總領署廷亮初十日

(四八六)發駐日本大臣汪大燮電

宣統二年十一月十二日  
發電檔

盛大臣函稱日輪大冶丸木匠木元姓酒醉戮斃冶局躉船水手耿文甫日員西澤公雄聲稱應械回本國監禁十年並飭船主卹洋三百十元該尸屬以懲辦輕縱不願具領請電汪大臣查明已否械回卽日派員馳赴福岡縣聽審並轉商該管衙門務照例嚴行監禁加給撫卹定案後卽行宣布以免後患等語希核辦並電復外務部十二日

(四八七) 駐韓總領事馬廷亮呈外務部電

宣統二年十一月十四日到  
收電檔

今日隨汪公使赴平壤等處謹電達廷亮十四日

(四八八) 發駐美大臣張蔭棠日本大臣汪大燮德大臣梁誠電

宣統二年十一月十九日  
發電檔

前電催秋季報告希速寄切盼外務部效

(四八九) 駐韓總領事馬廷亮呈外務部電

宣統二年十一月二十日到  
收電檔

汪公使昨晚回漢城仍駐總領署廷亮二十日

(四九〇) 駐日本大臣汪大燮致外務部電

宣統二年十一月二十一日到  
收電檔

秋季報告已交郵局寄上冬季現在趕辦謹聞燮寄

(四九一) 發駐韓總領事馬廷亮呈外務部電

宣統二年十一月二十四日到  
收電檔

寺內總督二十二日抵韓汪公使往晤後定今晚回東謹電達廷亮二十四日

(四九二)發駐日本大臣汪大燮電

宣統二年十一月二十五日  
發電檔

橫濱修署暨添置器具等費伍千兩已飭滬道撥匯外務部有

(四九三)發滬道電

宣統二年十一月二十五日  
發電檔

即撥駐日本汪大臣橫濱修署費伍千兩外務部有

(四九四)駐韓總領事馮廷亮呈外務部電

宣統二年十一月二十七日到  
收電檔

探悉寺內總督昨日往新義州一帶視察邊務廷亮二十七日

(四九五)駐日本大臣汪大燮致外務部電

宣統二年十一月二十八日到  
收電檔

今日由朝鮮回東燮儉



(四九六) 外務部奏東三省總督錫良請賞給日本各員寶星清單

宣統二年十二月初五日

謹將東三省總督錫良奏請賞給日本各員寶星並酌改寶星分別准駁開具清單恭呈御

覽

日本陸軍少將小島好問擬照原請賞給二等第一寶星

日本陸軍三等軍醫正明石竹次郎擬照原請賞給二等第三寶星

日本陸軍憲兵少佐堀越順三郎擬照原請賞給二等第三寶星

日本陸軍憲兵大尉峯幸松擬照原請賞給三等第一寶星

日本陸軍通譯官橫山吏弓擬照原請賞給三等第二寶星

農業學堂日本教習木村印三郎擬照原請賞給三等第三寶星

日本陸軍三等獸醫赤木郁男擬照原請賞給三等第二寶星

日本陸軍中將安東貞美擬照原請賞換頭等第三寶星

日本步兵第二十旅團長陸軍少將藤本太郎擬照原請賞換二等第二寶星

日本步兵第八旅團長陸軍少將津川謙光擬照原請賞換二等第二寶星

日本第十聯聯隊長陸軍騎兵中佐吉利悌輔擬照原請賞換二等第三寶星

日本第十師團參謀長陸軍步兵大佐金久保萬吉擬照原請賞換二等第二寶星

日本步兵第四十聯隊長陸軍步兵大佐八木下純擬照原請賞換二等第二寶星

日本步兵第二十聯隊長陸軍步兵大佐小澤季治擬照原請賞換二等第二寶星

駐安東日本領事岡部三郎擬照原請賞換二等第二寶星

勸業道農業試驗場技師長兼農業學堂日本正教習橫山壯次郎擬照原請賞換二等第

三寶星

日本第十師團副官陸軍步兵中佐中川節擬照原請賞換二等第三寶星

日本第十師團副官陸軍步兵少佐關東擬照原請賞換二等第三寶星

日本野礮第十聯隊長陸軍礮兵中佐伊藤弦擬照原請賞換二等第三寶星

駐鐵嶺日本副領事村山正隆擬照原請賞換三等第一寶星

勸業道商務調查員日本井深彥三郎擬照原請賞換三等第一寶星

勸業道樹藝技師長兼農業學堂日本教習角田啓司擬照原請賞換三等第一寶星

森林學堂日本正教習三戶章造擬照原請賞換三等第一寶星

衛生醫院日本醫士志熊貞治擬照原請賞換三等第一寶星

衛生醫院日本醫士杉本浩三擬照原請賞換三等第一寶星

勸業道化學技師兼農業學堂日本教習石田研擬照原請賞換三等第二寶星

日本第十師團經理部長陸軍一等主計正鶴田義紹原擬二等第二寶星與案不符擬請

賞換二等第三寶星

日本第十師團軍醫部長陸軍一等軍醫正守屋甫一郎原擬二等第二寶星與案不符擬

請賞換二等第三寶星

營務處日本教員堀米岱三郎原擬二等第三寶星與案不符擬請賞換三等第一寶星

(四九七) 駐韓總領事馬廷亮呈外務部電

宣統二年十二月十五日到  
收電檔

寺內總督十五日啓程回日本廷亮咸

(四九八) 外務部總理大臣奕劻等奏會同議覆錫良密陳東三省分別籌辦情形摺

宣統二年十二月十五日

總理外務部事務慶親王奕等跪奏爲遵旨會同妥議恭摺覆陳仰祈聖鑒事東三省總督錫良奏遵旨密陳東三省大局應行分別籌辦情形一摺宣統二年十月二十日奉硃批該衙門妥議具奏欽此欽遵由軍機處抄交前來查原奏於熊希齡密陳四條謂有可以實行者曰裁撤各關作爲無稅口岸有宜從慎行者曰許各國商人雜居內地有已在試行者曰礦產森林招設公司有利在速行者曰加借外債經營移民開墾並謂細察四端之宗旨皆以實行開放爲主義所見遠大與顧此失彼畏首畏尾者不可同日而語朝廷如垂念東三省所處之奇危請以四端列爲預定之政策步步著著依此實行等語臣等竊維東三省偏處強鄰時局阡危欲施挽救之謀固以開放門戶爲要義實行開放之策尤以各國均勢爲指歸原奏第一端裁撤各關作爲無稅口岸以云開放誠屬造端宏大惟按諸實際仍恐無補時艱姑無論三省各關稅歲入約三百餘萬兩未易籌款抵補也卽謂爲鼓勵通商起見地方易於發達不必計此區區之進款究竟門戶洞開得占優勝者恐仍在鄰近之邦而不

在歐美各國該督原奏於內地雜居一節旣謂日俄與我接壤各國與我寫隔一准雜居則日俄來者屬至各國來者必不甚多免稅亦何獨不然故此議於均勢之計畫似未能適當竊謂無稅口岸祇宜於素稱富庶之區而非可恃爲抵制之計未可引英國倫敦以爲效法

至原奏擬將徵收營業銷場等稅由外務部與各使商定後卽行裁撤各關查銷場稅載在  
中英商約加稅免厘款內未便又與各使提議作爲東三省單行之稅法營業稅祇應征諸  
華商係屬內政若與各使協商轉失主權近來東省內地各厘捐或征及有免單之洋貨各  
使屢有煩言如果辦營業稅以代各項厘捐並非指貨收稅使洋商無可藉口自是妥辦法  
此則不議裁撤關稅亦屬可行者也原奏第二端謂內地雜居必以主權在我爲要著斯誠  
不易之論主權者警察裁判實爲大端苟籌備尙未完全則外人不願就範圍雜居必諸多  
窒礙限旣在東省情形日人多不遵守約章雜居城鎮無法使之遷徙然理曲在彼我猶可  
據約力爭若一經允認自撤藩籬適足便其拓殖之計恐各國未及相與維持而一國已先  
張其勢力合無應請照原奏所擬先將警察裁判分年預籌逐漸推廣必俟完備足用然後  
相機與各國提議修改條約卽以開放內地雜居與收回治外法權爲互換之利益庶幾悉  
協機宜可收效果原奏第三端謂礦產森林等事惟以招採洋商吸收外資爲最急擬特立  
興辦實業章程查東三省地產豐饒利源待闢祇因財力未逮遂致舉辦維艱自應設法招  
採以冀振興實業且允許洋商投資設立公司或拒或迎操縱由我明示各國以同沾優例  
卽隱杜一國之獵握利權爲結均勢計似視免稅雜居二者較爲中肯但使密籌組織之機

關慎訂集股之規則自可期無流弊而有成效應俟該督擬定章程送部察覈如屬妥協即准施行原奏第四端擬加借外債經營移民開墾夫移民開墾誠爲今日固圉殖邊最要之政策言開放者欲使各國自由通商此猶是不得已而藉外力以爲持護得失忝半非上策也若能自行開墾則內力漸充外患自無從而侵入斯誠保固根本之論較之以上三端爲尤要者惟原奏於此事謂提綱挈領之要務在錦愛鐵路鐵路即開則應弦赴節事半功倍鐵路未定則勉強興辦糜費更多又謂只求款能應手則進步必速其主張加借外債者以此竊以爲移民之舉有鐵路固形利便無鐵路亦未見需費增多錦愛現未有成議墾務勢難待諸路成至茲事體大自非有鉅款不辦該督前奏請借債二十萬兩內以五百萬兩爲移民開墾之用業經臣部議准並由度支部籌借在案應卽先儘前項五百萬兩將招墾事宜妥爲布置次第擴充如果辦有頭緒功效漸彰款項不致虛糜無著將來應否加外債抑或由度支部另籌的款捐撥屆時再行酌議以上四端皆關係東三省全局臣等公同商酌或應從緩辦不必持論太高或利在推行務先規定善法總之實行開放仍以不損主權能達均勢爲緊要之關鍵應請飭下該督分別辦理慎密籌畫但能立定宗旨切實進行自易轉危爲安無虞緩不濟急所有臣等會同妥議緣由理合恭摺覆陳伏乞皇上聖鑒訓示再

此摺係外務部主稿會同度支部稅務處具奏合併聲明謹奏宣統二年十二月十五日奉  
硃批依議欽此

(四九九)發駐日本大臣汪大燮電

宣統二年十二月十八日  
發電檔

報載俄德日三國聯盟究竟有無其事伊使前數日遽行回國有何用意希密探電復外務  
部十八日

(五〇〇)駐日本大臣汪大燮致外務部電

宣統十年十二月十九日到  
收電檔

電悉三國同盟暫雖無事惟俄德新有協約德日交情漸親籌備款待德儲加厚來後必更  
親此間東西各報喧言北京疫疾盛行德儲入都將止云現穆默將赴京部署德儲行事似  
宜厚款告使勿惑各報謠言穆似此中要人也伊使早有回國之說自是籌對我方針有聞  
再電陳燮十九日

(五〇一)考察憲政大臣李家駒奏考察憲政隨員請給獎摺



宣統二年十二月十九日

前出使大日本國考察憲政大臣學部右侍郎臣李家駒跪奏爲考察憲政隨員援案懇恩給獎恭摺仰祈聖鑒事竊臣前奉恩命考察日本憲政當於光緒三十四年六月奏調內閣中書李景銖等三員隨同攷察奉旨允准並咨調學部三等書記官上行走附生趙順齡等二員派充書記各在案該員等在日日本襄同調查譯撰回京以後廣續編輯前後三載成書十數種都一百萬言洵屬異常出力合無仰懇天恩照准前考察政治大臣載澤戴鴻慈等請獎隨員成案將候補內閣中書李景銖以內閣侍讀補用現任資政院二等祕書官曾彝進俟升一等祕書官後作爲歷俸期滿州同銜日本高等工業學校畢業生周培炳以州同選用學部三等書記官上行走附生趙順齡以八品筆帖式選用法政科舉人張淑皋以知縣俟分發後試用之處出自逾格恩施所有考察憲政隨員援案請獎緣由除分咨外謹恭摺具陳伏乞皇上聖鑒訓示謹奏

(五〇一) 附件一 李家駒請賞給日員寶星片

再臣考察憲政經日本政府暨公爵伊藤博文等協力贊助疊派專員襄同調查詳細講論

該日員等顧念邦交竭誠相助未便沒其微勞除日本樞密院顧問官伊東已代治等業經臣達壽奏請分別賞給寶星外其大藏省主稅局長營原通敬擬請賞給二等第一寶星行政裁判所評定官清水澄擬請賞給二等第二寶星司法省參事官泉二新熊擬請賞給六等第三寶星以彰勞動而敦睦誼如蒙恩准應請飭下外務部分別製送理合附片陳明伏乞聖鑒訓示謹奏

(五〇二)考察憲大政臣李家駒奏考察日本財政編譯成書摺

宣統二年十二月十九日

前出使日本國考察憲政大臣學部右侍郎臣李家駒跪奏爲考察日本財政編譯成書敬陳管見恭摺仰祈聖鑒事竊臣前出使日本考察憲政所有官制官規地方自治制行政裁判制度司法制度皇室制度詔敕制度均經編輯成書先行奏報在案其財政一類於上年八月將考察底稿攜帶回京并由日本大藏省陸續寄稿前來經臣督率隨員等悉心編譯計纂成日本租稅制度考十冊日本會計制度考四冊恭繕成帙進呈御覽竊維國家財政不外制入制出兩大端制入之名類不一而以稅法爲最要制出之法規不一而以會計法

爲最要臣卽於此二者詳加考察日本維新以來租稅制度疊加改良會計法規屢經釐訂揆其進行之次第實可爲改革之師資謹就我國財政之現情證以微臣考察之一得爲我皇上縷析陳之比年以來財政之困難亦已極矣財政困難之原因不一端而最著者則國家經費之增加是也國家經費增加之原因亦不一端而最顯者則國際之交通與憲政之籌備是也閉關之世政主治內而不務外其爲國也間暇故政費無多自海禁大開日與列強相接觸於是對外之費相乘而起如外交費如國防費如國債費皆自國際交通啓之也專制政體但主消極不尙積極其爲法也簡易故政費亦無多自籌備立憲事宜按期進行於是所需之費遞年有加如司法獨立費如地方自治費如教育普及費如經濟行政費如整理財政費以及一切改革經費皆自憲政籌備肇之也歲出驟增而歲入不濟部臣仰屋於內疆臣羅掘於外內外皇皇不可終日持積極之論者則謂軍國大計不容緩圖持消極之論者則謂民力已殫激將生變平心論之國家經費之增加屬於世界自然之趨勢蓋社會之文明日進則國家之職務愈繁職務愈繁斯經費愈增自然之理也日本明治初年歲計總額不過三千萬圓近年預算總額已逾五萬萬圓以上前後四十年間所增幾三十倍此外各國經費增加速率亦復相等或且過之大勢所趨亦略可睹矣夫經費果能節約則

國家與一私人同自以節約爲善然節之至極將舉國家必要之事業弛而不張此所謂消極政策萬不行於生存競爭之世者也今論者謂財政奇絀當權事之輕重緩急量入爲出是未知計臣責任與閣臣責任之區別也蓋國家事務孰重孰輕孰緩孰急關乎政治之全局卽大政方針之所在是爲內閣之職權非計臣所能代謀如閣臣以爲某事在所必舉則此費在所必需而費所從出如何籌畫斯爲計臣之責不可混也論者又謂民窮財盡當爲休養生息之謀不當爲竭澤而漁之計是未知經濟行政與財務行政之區別也今日民誠窮財誠盡矣然其所以窮所以盡之故由於財務行政之未善者半由於經濟行政之未善者亦半如稅制組織之不良稅目選擇之失當國民負擔之不公徵收方法之不便此屬於財務行政之範圍度支大臣所當有事也至於振興實業以開拓國民之富源獎勵貿易以抵制外貨之輸入則屬於經濟行政之範圍農工商郵傳大臣所當有事也臣所言者屬於財務行政之範圍其大綱曰制入曰制出制入之要義一曰租稅之收入租稅之原則有四其一爲財政之原則卽租稅當圖充足及有伸縮力者是也蓋租稅爲國家收入之大宗不惟經常費所取資卽臨時費戰時費之增加亦將於是乎賴故當謀充足又國家財政歲有變更故租稅當具有伸縮增減之能力否則年年改廢年年增損國家旣不勝其煩人民亦

不堪其擾我國租稅以田賦爲大宗其於租稅中本乏伸縮之力加以稅制沿習日久竄敗日甚所入日減別無所資以爲調劑此與財政原則不符者一也其二爲經濟之原則卽稅源之保護及稅目之去取是也蓋租稅取自民之所得則雖多取而不爲虐若侵蝕其資本則雖少取而已苛我國稅目選擇未精往往侵及國民之資本財產稅源旣竭後繼何從此與經濟原則不符者二也其三爲公正之原則卽租稅之普及與賦課之均平是也我國自昔重農故農民之負擔特重而爲官爲士爲工爲商則不及焉夫租稅旣當謀普及矣又必酌其貧富之差定其輕重之等故一當免課所得較少之稅二當採用累進稅主義三當重課財產之所得四當力避課稅之重復如是然後均且平我國稅制均未注意及之此與公正原則不符者三也其四爲行政之原則卽課稅之正確便宜及徵收費用之節省是也我國關於納稅者課稅物件與賦課徵收之監督以及濫收之處罰滯納之處分訴願訴訟之規程皆無精密法令以規定之故胥吏得上下其手使人民生額外之負擔是謂之不正確且納稅者或以穀或以錢納錢者又因幣制不一展轉折合其不便者一納稅之地未經法定往往斗粟尺布使人民提攜負荷逾百十里其不便者二納稅期雖有定制而胥吏輒意爲先後以便私圖其不便者三徵收之程敍旣煩收支之機關無別催科之吏因緣爲奸其

不便者四又吾國向行包徵包解之法督撫責之州縣州縣復委之吏胥所耗之數不止倍於正供之數在國家耗其二而謹得其一在人民貢其一而實耗其三是爲徵收耗費與行政原則不符者四也今將欲增加收入必先改良稅制而改革之根本則首在厘定租稅之統系考租稅統系各國不同有所謂單稅制度者有所謂複稅制度者據今世財政家之評論率以複稅制度爲優蓋此項租稅賦課所不及者則以他項租稅賦課之又行某稅而此類人民負擔過重者則更行某稅以課他類之人民彼此相調輕重相劑在國家可得大宗之入款在人民又可保負擔之均平此複稅制度之所爲優也特所謂複稅者決非濫加稅目爲無藝之誅求也必循租稅之原則整理而畫一之以成有統系之稅制而後可歐洲十八世紀之末稅制紛淆其用意專以收入增多爲主至於稅原之保護分配之均平皆所不計所謂無統系之複稅制也厥後卒至紊亂乃變計更張至於今日統系秩然矣我國稅制首重田賦而地丁租課漕糧漕折糧折耗羨等項名目不一此外有厘金有鹽課有海關稅有常關稅有土藥稅有茶稅等項又有雜捐而牙稅當稅契稅油稅酒稅捐漁捐豬捐船捐車捐鋪捐妓捐賭捐等項不勝枚舉殆無統系之可言蓋自近年國債疊增新政繁舉每遇一事輒籌一款又無通行全國之法令以統一之於是直省各款自開捐籌各自與日本藩治

時代及歐洲中葉稅制紊亂情形無異故卽以租稅一端而論已足兆分裂之危機爲今之計非通盤籌畫迅速清理不足以救財政之窮清理之策有五其一舊稅之當改良者如田賦如鹽課如關稅是也此項稅目我國沿用已久各國通行亦廣惟舊制疏舛流弊滋多以致收額日減允宜及時改良如田賦則當用純益課稅之法不當用計畝課稅之法無論宅地田地一律賦課不可偏廢此外丈量地畝編製台賬皆改良田賦所有事也如鹽課則當行國家專賣之制不當沿鹽商包賣之法所有引地之改廢鹽場之限制皆改良鹽課所有事也如關稅則以收回稅關管理權及改正稅率爲主惟事關條約亟應爲改正之準備其未經改正以前則當先行返稅法消費稅法及政府收買法以圖目前之抵制彌縫此改良舊稅之策也其二舊稅之應歸併者如地丁租課漕糧漕折糧折耗羨等項自日本制度言之皆屬於地租所宜裁併畫一不宜多立名目徒滋紛擾其餘各稅亦宜審其性質以類相從釐而一之此歸併舊稅之策也其三舊稅之應廢止者如釐金如統捐如常關如茶稅以及煩複之雜稅皆是釐金一項外人稱爲內國通過稅租工商之發達助客貨之暢銷其應廢止自不煩言統捐常關亦復相類茶稅一項前有茶引之制度後有茶釐茶捐之別名此亦有礙茶葉之發達且收額無多廢之爲便此外各項雜稅亦宜分別存廢如牙稅如當舖



如舖捐如漁捐將來可歸併營業稅如契稅則或併入田稅或改爲財產承繼稅如船捐如車捐如妓捐仍可列入雜稅一類以充地方自治經費此外則宜一律刪除以省煩苛而賭稅一項尤宜痛絕此廢止舊稅之策也其四舊稅之當擴充者如酒稅如烟稅如印花稅之類是也此項租稅各省或經試辦或未實行允宜及時擴充以增收入各省酒捐辦法不一亟宜釐訂稅章通行全國現行土藥稅以禁烟之故斷難久存近已稅額銳減宜以烟草稅代之烟草固以專賣爲便惟恐尙難遽行可仿日本故事先行烟葉專賣之制印花稅章程尙多可議宜重加釐訂此外登錄稅登記稅如一時未能實行可先擴充印花稅之範圍以資彌補此擴充舊稅之策也其五新稅之應增加者夫舊稅之應歸併及廢止者如是其多而改良及擴充者亦復不少酌盈劑虛收入之數約可相抵然以供將來之財用則尙虞不足不得不另增新稅考各國稅目甚繁約而言之如營業稅如財產稅如家屋稅皆收益稅之可行者也如特別所得稅如通常所得稅如兵役稅皆所得稅之可行者也如飲料稅如物品稅如使用稅皆消費稅之可行者也如承繼稅如取引稅如運輸稅皆行爲稅之可行者也惟是同一稅也他國可行而我國則不可行故選擇貴得其宜又同一可行之稅也而若者可以速行若者不能速行故先後貴得其當又或同時可以並行之稅而或則應定爲

國家稅或則應定爲地方稅故分配貴得其平要之以統系爲準則以國情爲依據是在制國用者之權衡矣二曰租稅以外之收入此項收入可分三種其一官有財產各國範圍有廣有狹大抵不外官有土地官有森林官有鑛山等項我國官有土地以莊田爲大宗皇室有莊田宗室有莊田八旗駐防有莊田將來確定皇室經費及變通旗制之時應並規定官有土地之界限又將來整理田賦之後所有隱田及無主之地亦可收爲官有至官有森林則各省山林川澤向屬官家而西北各省森林之應歸官有者尤夥苟經理得宜必成收入之大宗至鑛山應歸官有與否各國辦法不同我國鑛產雄富外人方協而謀我與其政府無力自辦致啓覬覦不如獎勵民辦以保利權其有非民力所能舉者則仍由國家辦理亦政策不得不然者也其二官辦實業有工業如紡織廠印刷局之類有商業如銀行郵便匯兌之類此外如郵政電報鐵路航業及各種專賣皆官辦實業之大宗我國現辦之郵電路輪均稱獲利造幣廠創辦伊始銀行亦逐漸推行此外應行擴充之事尙多皆宜銳意經營以規大利者也其三政務公費有司法公費如訴訟費是而登記公證等費屬焉有行政公費如考試費圖書館博物館觀覽費營業許可費之類皆是此外罰金科費沒收金物等項性質稍異然亦收入之一宗也三曰公債公債性質與私人舉債無異有利息有償期故不

能以爲國家收入之一種且公債之作用尤在通融緩急調劑盈虛故財政家不以爲收入而以爲調和收支之利器雖然從公債之性質而言誠不與於租稅之列而就預算之便宜而論則可歸於歲入之科考公債有隨意公債與強迫公債二種強迫公債雖名爲公債實與租稅無異我國前此之昭信股票實近於強迫公債此項公債亦非萬不可行然必事起倉皇無從支應乃可偶一用之苟屢行不已則上失國家之信用下紊經濟之秩序不可不慎若隨意公債則有利而無害我國今日尤有不能不行之勢蓋因經費竭匱之故始言整理財政欲行整理則必先籌整理之費試舉例以明之如整理田賦一事考日本改正地租合官費民費共用三千餘萬圓我國土地十數倍於日本姑以十倍計亦需三萬萬圓以上除民費一萬萬餘圓外政府所應籌措者約二萬萬圓卽分作五年計每年亦需四千萬圓又如整頓幣制一事據度支部原案限以五年舉各省自鑄銀元銅元悉數收回現在各省自鑄及流行之實數若干雖不可稽大致每省平均一千萬圓則全國約有二萬萬圓今欲悉數收回每一圓約耗十分之二以二萬萬圓計所耗約四千萬圓此不過舉例而言其餘改良整理一切稅制無不須先墊鉅款者則舍募集公債以資周轉更有何道哉比年以來財而不爲日言理根本之改革徒事目前之補苴凡所措施卒歸無效由於不籌墊款動生

顧慮之故耳蓋凡物不能無代價欲收重利於後必先投資本於前日本之於臺灣初以五千萬圓收買大租地券以圖租稅之統一近則地租一項已有數百萬圓之歲入以供臺灣行政費約略相當矣此尤近事之可徵者也惟是欲行公債所當預籌者凡四事一資源之如何而能籌畫即使公債暢銷是也果使國家財政基礎鞏固信用深厚則公債銷路自廣可無待言茲當基礎未固信用未厚之時不得不先爲人民廣籌畫公債之用途用途廣則銷路自廣至用何術以廣其用途則屬於公債政策茲不贅及二條件之籌畫公債有利公債無利公債及有期公債無期公債之別又有有擔保公債無擔保公債及內國公債外國公債之別現在募債自應用有利及有期條件以堅信用又募債所以整理行政與興辦實業不同不必附以擔保既無擔保則不問內外國均可一律招募以利用外資之輸入三使用之籌畫募債既以整理行政爲主旨則使用之限制及整理之方法成績所宜豫定如爲整理某項租稅而募集之公債不得移作他項之用此限之法也其整理之案應豫定遞年之辦法及其應完之成績逐一詳列嚴定考成以收實效四償還之籌畫現歐洲盛行永遠公債由於民力富足國家信用鞏固之故非我國所能取法自宜先行有償公債而償還之法所當預籌考各國有行減債基金制度者宜師其意設公債償還局專司其事又

公債既爲整理行政而設其有將來可收厚利者如整理田賦之類應仿特別會計之例豫定將來收入增加之時每年提出若干以供償還此項公債之用是皆籌畫公債之要義也如上所陳以言足出則酌劑財用必以政治方針爲衡以言制入則增進財源稅首以統系制爲要財政大綱略具於是矣雖然一出一入之間必有法制焉以規範之而後能得其當此爲形式之財政亦謂之財務行政考歐洲財政制度之發達以英吉利爲最早大陸諸國則肇於中世紀以還所謂財政統一時代是也當時統一者凡三事一曰預算之統一卽合地方分立之預算而定總豫算之制度也二曰金庫之統一卽合地方分立之金庫而定中央國庫之制度也三曰財務機關之統一卽收散亂無犯之財政機關而定獨立之統一機關也無論何國凡財政制度之完備必在立憲政體確定之後蓋立憲則有議院審計院等以司監督財政之職財務行政乃有起色也臣竊以爲我國財務行政亟當改良者有二一歲計法規之釐訂也歲計法規者定整理歲計之程式及辦法者也其最重要者爲預算制度各國每揭其綱要於憲法中其次則預算之編製施行及決算等別以法令規定而總稱爲會計法規此外又有國庫補助法制法國債法徵收法官有財產管理法之類皆屬財政法規而與會計法規并行者法規不備財不可得而理也我國財政紊淆之最大原因由於

預算之立預算要義最貴統一故以總預算爲主要總預算編制之任屬於各主管衙門而統於度支部總預算決定之任屬於度支部而統於內閣各部不能自專各省不自爲政我國不然部與部不相謀省與省不相涉各部與各省不相聯屬既無統一之機關又無編制之法程於是中央十二部則有十二部之預算地方二十二行省則有二十二行省之預算是不啻折一國爲數十國也且自中央與地方之關係言之則我國但有地方財政而無所謂中央財政以中央政府無不仰給各省也又自各部相互之關係言之則我國但有特別之預算而無所謂總預算以度支部向不干預各部也夫特別預算本屬不得已之舉日本特別會計凡四十五宗彼方引爲詬病可爲鑒戒也我國預算制度中央總預算之外應否另立各省預算此與官制有關將來應詳爲規定今惟有舉全國財政悉統於度支部而以度支大臣縮收支出納之衝至其事業性質特殊者始行特別會計之制嚴戒濫用并將一切會計法規迅速釐訂以立施行之準并將財政法規一律頒行庶治人與治法相資爲用矣二歲計機關之整理也歲計機關有三其一財務行政機關有中央地方之別中央機關東西各國皆以屬於度支部惟官有於財產官辦實業則爲經濟行政而隸於農工商等部此外純以收入爲宗旨及性質特殊者如各種專賣局之類則特設機關司之而統由度

支大臣監督之故各國度支部通有之職權可以預算事務會計監督事務制定收入法規事務三大端括之至於下級機關則各國成例有二一特設財務官一委任地方官此由歷史地理及事務性質之不同未可執一而論若採因地制宜之制則以委任地方官爲便若採全國統一之制則以特設財務官爲宜大抵直接稅及森林事務則宜行委任之制間接稅及官辦實業則宜行特設之制其大較也我國現制除關稅外各種租稅純以地方官爲徵收機關將來稅制改良則財務官亦應分別特設此財務行政機關之當整理者一也其二財政監督機關監督之別有三一立法監督卽議院預算之協贊也學者稱爲事前監督二司法監督卽審計院決算之檢查也學者稱爲事後監督三行政監督卽行政內部歲計之實行也學者稱爲中權監督現在資政院諮議局先後成立而以議決預算爲其職權之一端是以立事前監督之基礎既有事前監督則事後監督之審計院設立不容過遲且其地位職權必須獨立與行政機關相鼎峙乃能收効至於中權監督則凡屬財務行政皆由度支大臣指揮此財政監督機關之當整理者二也其三收支出納機關可分爲收入機關及支出機關兩項收入機關又分爲三一命令機關收稅官吏是也二領收機關金庫是也三保管機關亦以金庫當之更有暫時領收官吏及暫時保管官吏以補金庫之所不及其



立法之精神要在使領收保管與命令之權各自獨立不相侵越支出機關亦分爲三一命令機關度支大臣及其所委任官吏是也二支付機關三保管機關均以金庫當之更有預支現金官吏以補金庫之所不及各國通例大致若此我國收支機關渾而不析州縣徵收以達於司司受其成由督撫以達於部但使定額無缺即可完其考成至於各地方截銷報解之數與實際徵收之數是否相符國家會不過問近年各省增設局所銷耗愈滋於是中央歲計總額日有所減而各省人民負擔日有所加正坐收支機關不分之弊也蓋以命令機關而兼領收機關於是有藉端需索假公濟私之弊以領收機關而兼保管機關於是有侵吞公款暗中取利之弊以命令關機而兼支付機關於是有浮支公款先後挪移之弊以支付機關而兼保管機關於是有長支短欠虧空逋逃之弊各國懲貪之法寬於我國而官方整飭勝於我國豈外國官吏皆賢而我國官吏皆不肖哉則以外國法令精密其官吏不惟不敢貪且不能貪我國法令疏闊刑罰雖重不惟不能止貪而反以教貪明制官吏坐贓一兩以上者留而官典犯贓者歲輒數十百起則止貪之道固在此不在彼矣收支機關既圖分立則金庫制度首概改良現制度支部有金銀庫之外京師則宗人府外務部等衙門直省則藩鹽各司糧關諸道各自有庫其他各部院現款出入之專司各府廳州縣徵收之

櫃皆無庫之名有庫之實當歐州中葉財政分立時所謂官府金庫制度者正與相類今欲統一庫政宜定國庫制度設國庫長官隆其職權凡京外官府舊有之庫悉改隸國庫長官庶主計者不司現金則侵挪自絕典查者設有專職則稽察匪難至於我國國庫制度將採中央國庫獨立之制抑採各省分設國庫之制亦與官制有重大之關係所宜詳爲規定者此收支出納機關之當整理者三也夫財政一端爲國家存亡之所寄人民榮瘁之所關重矣要矣各國財政家之所經營東西學者之所討論廣矣博矣臣學識譾陋語焉不詳見聞所及稍知概要第如臣所陳者改絃更張已屬非長而驚世俗然而事變紛乘緩無可緩倘復畏難顧慮舊貫相仍則目前雖欲酌增歲入勢已不行萬一事起倉皇急需鉅款不知何以爲計言念及此可爲寒心日本蕞爾國耳顧當甲子庚子二役前後增制者近一圓日俄戰役增加非常特別稅二次計二萬萬圓以上自非稅制改良機關靈敏安能一呼而集安堵無驚也哉要而論之我國今日因時變而圖兢存不得不執進行主義而擴張事業擴張事業不得不增加國用增加國用不得不整理財政改良制度是必有內閣統一政治於上以握其綱計臣經營策勵於下以舉其職然後治法與治人相輔而行此則官制所關尤爲重要者也臣愚昧之見是否有當伏候聖明採納施行大局幸甚所有考察日本財政編譯

成書教陳管見緣由謹繕摺具陳伏乞皇上聖鑒訓示謹奏宣統二年十二月十九日

(五〇二)附件一 李家駒奏皇室經費片

再立憲要義在明宮府之分而欲維持皇室之尊嚴猶以財政獨立爲首務考東西各國皇室財政可別爲三一曰皇室經費君上制定常額每年由國庫提支雖列之預算而議院不得削除者也二曰皇室收入於國家收入外別爲一宗不經國庫而直接貢獻皇室者也三曰皇室財產有動產不動產二種別設專司以經理者也凡此三者各國爲數不同就其大略言之皇室經費一項以俄國爲最多約當中國銀一千五百萬兩其次爲奧大利約當中國銀九百萬兩普魯斯約當中國銀七百餘萬兩意大利約當中國銀六百餘萬兩西班牙約當中國銀四百餘萬兩英吉利最少約當中國銀四十餘萬兩日本每年三百萬圓亦在較少之列至於皇室收入在歐洲各國有皇室租稅皇室專賣等項名目而以英吉利爲最多故皇室經費少至四十餘萬兩而不患貧皇室財產則英德兩國均稱鉅額日本皇室收入惟歷專賣一項而財產則頗富惟實數未經公布不得其詳我國立憲之後國家收入每年預算應由議院協贊又按憲法大綱皇室經費應由君上制定常額自國庫提支不得置

議是將來皇室經費制費制定之後每年列入預算議院自不得減削雖然若專恃此有定之常額以維持於永久則非計之得者也夫欲鞏固皇室之基礎必謀皇室財政之獨立欲謀皇室財政之獨立必賴有皇室收入及皇室財產至於皇室經費則但能供君主施行政事之用而已足蓋皇室之所患者在財政不能獨立一切費用仰給於國家而皇室財政遂爲國家財政之所左右若有皇室收入及皇室財產則基礎已固所需經費自不在多世界各國立憲君主之地位以英爲最尊而皇室經費實以英爲最少日本皇室經費亦僅三百萬圓所以不求議院增加者非懼議院之不承也懼皇室經費過多人民尊崇皇室之心將因之而減也故卽有應用不敷之時亦但藉皇室財產以爲彌縫以示君主力足自養初未嘗重累人民又日本天皇凡遇救恤勞賜均由皇室財產開支未嘗動用皇室經費蓋動用皇室經費則人民將謂君主之所錫賚實出自人民之所供奉不足以示惠也我國將來立憲則皇室事務與國家事務不能不分則皇室財政與國家財政不能無別考周官有惟王不會之文所謂不會者言有定額不必會也則與今日各國皇室經費之例相符矣又周官有內府外府之分而王之金玉玩好兵器則掌之玉府則與今日各國皇室財產之例相符矣又古者王畿千里諸侯建國大夫食邑自天子以至大夫皆各取其內封之稅以供宗廟

社稷之享則與今日各國皇室收入之例相符矣降及後世聚斂之臣每導其君經營私蓄故少府水衡桑羊以計臣見譏瓊林大盈陸贄以節用爲諫蓋取之無節則不免厲民若制之有方亦何可詬病我朝宮廷供御以內務府大臣掌之與戶部畫分權限實爲前代未有之制度而深合憲政之精神惟內務府經費亦有取給于戶部者近聞度支部清理出入款項應歸皇室經費者爲數七百萬兩以上將來釐定官制凡故事之當改隸者與新職之當增加者尙多事務加多經費亦必加鉅則入款亟宜分別清理清理之策有三一設立皇室財政調查局也我國皇室財政歸內務府管理然歷年旣久積弊相沿較之國家財政紊亂尤甚今當清理財政之初若仍交內務府專辦恐不免因循敷衍之弊擬請特簡親貴重臣以總其成而以內務府大臣爲之副分設三科一皇室經費科專司清理皇室經費之事會同內務府度支部辦理二皇室收入科專司清理皇室收入之事會同內務府及各省將軍督撫辦理三皇室財產科專司清理皇室財產之事會同內務府辦理期以數年清理就緒再將調查局裁撤併入宮職一設立皇室審計院也東西各國關於國家財政有度支部以總出納有審計院以司監督機關獨立以隸於君主蓋必如是而後蒙蔽之弊無由生而綜核之實可以舉今朝廷豫備立憲旣擬設立審計院矣竊謂皇室財政如欲爲長久之計亦

宜仿照審計院之例設立皇室審計院爲監督機關與內務府行政機關相對待擬請特簡王公大臣一員領院事下設審計官若干人掌稽核內務府出入款項之報銷而准駁之其權限大別有四一稽核皇室全體會計報銷事項二稽核皇室特別會計報銷事項三頒行報銷款式事項四咨查或派員檢查內務府收支憑證及簿記事項每屆年終決算一次彙奏成績請旨核奪至皇室審計院之體制須與內務府大臣同等不相統攝蓋如是方足以昭獨立之義而舉監督之實考日本皇室會計審查局屬於宮內大臣管理然審查事務仍屬獨立其所謂屬於宮內大臣管理云者所以表明不屬於政府別爲統系而已固非受宮內大臣命令指揮之謂也近來且有改爲直隸天皇之議所宜仿行三設立皇室財政會議也皇室財政之羸絀關於皇室之榮瘁凡調度經營之方稽查謀議之事非有親貴大臣精詳審議不足以昭慎重擬請仿照日本皇室經濟會議制度設立皇室財政會議置顧問官若干員選派親貴大臣充之此外內務府大臣皇室審計院領院大臣暨皇室財政調查局大臣均准列席與議其應行會議事項有六一皇室經費之預算及決算事項二皇室收入之清查整理事項三皇室收入之編定改廢事項四皇室財產之稽察存廢事項五皇室資金之運用經營事項六皇室之收入及財產與國家或人民關涉事項其大略也以上三者

爲今日清理皇室財政必要之布置而後二者又爲他日維持皇室財政不可缺之機關與內務府互相爲用蓋必如此而後皇室之財政可以獨立而皇室之尊嚴賴以維持所關非細故也顧或謂我朝列聖仁儉相承力戒多取今若遽事清理其皇室收入皇室財產二者尤易滋世俗之疑謗方謂皇室經營私蓄與民爭利有傷國體不知東西各國莫不行皇室私有財產之制蓋以私法上之關係言之皇室固與人民相等且立憲國家亦有官有財產矣則皇室何爲而不能私有財產至皇室特別收入則各國之例尤多大抵基於歷史我國盛京等處土地山林多屬陵寢官廷貢獻之資尤宜歸入皇家方足以昭敬慎且皇室有財產有特別收入則供具已充所需於皇室經費者自不過鉅閭閻之負擔旣減深宮之宵旰亦舒羣黎愛戴國體日崇斯誠長治久安之謨安上全下之道也或又謂皇室財政向爲內務府所專司而與內廷宦寺相爲表裏積弊相沿莫可究詰故天家供御不過十之二三而侵蝕者或十之六七今若澈底清查諸多不利阻格橫生亦所難免然使循是不改則皇室徒擁玉食之虛名內官坐享耗蝕之實利爲皇室財政計不宜出此且及今不加清理則皇室財政永無獨立之望他日議院旣開一切財政均歸監督屆時始圖清理掣肘孔多若夫排羣疑決至計祛歷年之積弊示天下以大公此則在我皇上之英斷矣臣爲鞏固財政基



礎維持皇室尊嚴起見謹附片密陳伏乞聖鑒謹奏

(五〇二) 附件二 李家駒奏繳銷關防片

再臣於光緒三十四年六月接辦考察憲政事宜當由前大臣達壽將出使日本國考察憲政大臣關防一顆派員齎送前來經臣祇領開用奏報在案現在考察事竣關防應行繳銷除備文咨繳外務部外謹附片陳明伏乞聖鑒謹奏

(五〇三) 發駐日本大臣汪大燮電

宣統二年十二月二十二日  
發電檔

哈爾濱鼠疫流行頗為酷烈擬商請各國專門醫生前往考察致疫原由研究防範方法以講醫學而重衛生應請轉達日政府選派專門醫士來哈考察研究旅費供給均由我認除照日使并通告外希查照外務部禡

(五〇四) 發駐日本大臣汪大燮電

宣統二年十二月二十三日  
發電檔

禡電計達現在辦理防疫京奉已停車安奉尙照常開車安東地小人稠已多傳染本部商

日使飭日領轉令停車頃接該處報告韓境新義州正嚴行檢疫拒阻搭客而安奉并未實行停車與安東防疫辦法顯有窒礙希切商日政府轉飭安奉鐵路即停開二三等車由日領與該處華官接洽務照防疫通例以保安全并電復外務部二十三日

(五〇五) 駐日本大臣汪大燮致外務部電

宣統十年十二月二十六日到  
收電檔

聘醫赴哈事遵告日外部據稱鼠疫至險凡往者均置生命不顧故報酬似宜加厚不知照允否又稱日前駐東日領電東省某撫託代聘醫兩名昨又電稱作罷延訪既定更變實覺爲難故聘定後概不得中止等語應如何定奪之處乞詳示燮宥

(五〇六) 京奉鐵路車務總管福來呈外務部施右丞電

宣統二年十二月二十七日到  
收電檔

奉天又死三十二人該處疫情仍似不可挽掇昨夜已電鈞部其由西比利車前來本路之搭客在奉住宿日本旅館已於昨日起程前往大連在大連若不遇經直開往秦皇島之輪船彼等將取道上海鄙見凡自東省各海口出口之輪船及由上海出口道經青島煙台停

輪攏岸再來秦皇島之各輪船停候查疫日期亦應增足昨日新民府又死兩人綏中縣又死一人榆關又死一人本路其餘各他處查無消息今日在榆關車客之候驗者十人福來

(五〇七)發京奉鐵路車務總管福來電

宣統二年十二月二十七日  
發電檔

尊處應請日本鐵路公司告知搭客自奉天至榆關等處客車一律暫停開行凡由東省各海口及大連出口船隻到上海時亦須照章停候查疫聞

(五〇八)江蘇巡撫程德全致外務部電

宣統二年十二月二十八日到  
收電檔

日本少將松石安治等於二十五到蘇照章接待二十六日去託謹聞德全感

(五〇九)發駐日本大臣汪大燮電

宣統三年正月初三日  
發電檔

春季經費已飭滬道撥匯外務部江

(五一〇)發駐韓總領事馬廷亮電

宣統三年正月初三日  
發電檔

春季經費扣留支暨修館費外一萬二千一百十六兩已飭滬道撥匯外務部江

(五一)東三省總督錫良致外務部電

宣統三年正月初四日到  
收電檔

頃准日本南滿鐵道會社總裁中村是公函陳三省疫癘流行死亡枕藉致煩宵旰憂勞伏讀諭旨凡在臣民莫不憂勤惕厲南滿會在貴國有年食毛踐土憂樂與共特呈日金十五萬圓爲補助防疫藥餌之資以上體大皇帝視民如傷之宸慮藉報聖恩於萬一等語良查國際往還有救災睦鄰之誼疫病防範各國本不分軫域此次南滿會社於始疫以來沿鐵道各處廣設醫院療治中日商民所費已不資茲復投贈藥資語出至誠似未便辭謝擬請旨准予收受並懇天恩飭贈該會社防疫經費奉天通用銀圓二十萬圓以示投報除電請樞垣代奏外謹電請查核良支

(五一)軍機處電寄錫良諭旨

宣統三年正月初五日  
電寄檔

奉旨錫良電奏准日本南滿鐵道會社總裁中村是公函陳東三省疫癘流行特呈日金十五萬圓爲補助防疫藥餌之資等語此次南滿會社於始疫以來沿鐵道各處廣設醫院療

治中日商民茲復投贈巨資殊堪嘉尙著准予收受並著錫良傳旨致謝欽此正月初五日  
軍機大臣署名臣奕臣毓臣那臣徐

(五一三)外務部致東三省總督電

宣統三年正月初五日到  
電寄檔

支電悉日本南滿鐵道會社投贈防疫藥資日金十五萬圓已奉旨准予收受致還贈一節  
自係爲投報起見惟揆諸情勢似未便太急應俟將來該國境內遇有灾歉等事再行酬答  
正月初五日

(五一四)駐日本大臣汪大燮致外務部電

宣統三年正月初七日到  
收電檔

德儲東遊中止事日本皇室政府人民各有電致德皇道歉謹聞燮初七日

(五一五)東三省總督錫良致軍機處請代奏電

宣統三年正月十五日到  
收電檔

再日本關東都督大島義昌昨來奉會晤請立中日防疫會議由總督及都督各派委員五人  
議決兩國在南滿提議各種防疫事務兼備總督及都督之諮詢至防疫執行之事中國

屬於防疫總局日本於屬於防疫本部不相侵越等語談次並以疫染不能早日撲滅各國必從而干預中國此時儻因財政困難不能切實進行深願盡力資助等語殷殷相告錫良答以朝廷關懷民瘼巨費在所不惜尙無庸借助惟防疫會議一端意在互相輔助似未便過於拒絕是否可行應請旨裁奪謹此陳請附奏錫良咸二

(五一六)東三省總督錫良致外部務電

宣統三年正月十六日到  
收電檔

文電遵飭孟道照辦茲據電稱楊大夫需用電購日本藥料器俱已認墊付二百五十日元並裝血清藥物煤炭等物均已供給茲蒙電飭以後郵電費用遵當隨時照數撥給並與電局接洽等語謹聞良諫

(五一七)駐日本大臣汪大燮致外務部電

宣統三年正月十九日到  
收電檔

日本農商務大臣晤稱上年實業團到華觀光甚蒙優待各商業所現擬邀請北京天津漢口南京蘇滬杭粵八處實業家來東遊歷以中三月初櫻花滿放爲期請代達農工商部轉告各商會等語變意既經邀請未便固卻惟人宜精選知大體者每處一二人不獨增我國

商界體面並能採取彼國商業方法方爲不虛此行時期甚促乞與商部早日商定覆賜變效

(五一八)東三省總督錫良致軍機處請代奏電

宣統三年正月十九日到  
收電檔

咸電陳請代奏日都督大島義昌要求防疫會議昨准外務部銑電遵已婉達頃晤日總領事復申前請並以隨時會商期於疫病早日撲滅爲世界人道主義非有他故請勿誤會其持論不爲不正查防疫所以對待天災採取各國議論以資防禦亦足爲我利用若必深閉固拒徒啓猜疑且彼必謂我設備未周妄肆觝排橫生干涉轉於主權有損况始疫以來交涉使本與隨時晤商此次所議已聲明關於防疫方法互相討論辦事權限兩弗侵越彼亦承認實於國權無礙應懇俯准由錫良派員會議以期維持一切無任顙禱謹再陳請代奏錫良叩效

(五一九)駐日本大臣汪大燮致外務電

宣統三年正月二十日到  
收電檔

奉吉韓僑一事客臘小村甫電該處日領調查茲云地面遼闊需時孔長俟研究得有妥善



辦法即與貴政府和衷商議未經協定以前一切請照舊辦理總期相安無他意云變哥

(五一〇)發駐日本大臣汪大燮電

宣統三年正月二十一日  
發電檔

本多代使奉其政府命令交來節略內稱聞俄使以中俄懸案解決辦法照會中國政府又聞俄政府決意貫徹主張中國政府如不以應允者速允不應遽允者即協商妥定恐兩國間或生危機日本政府深望迅速設法定局等語希密向小村致謝關切之意並告以中俄懸案應允速允不應允認真商定中國本持此宗旨已照覆俄使以期共保和平再准二十一日電具悉英進兵片馬正與磋商界務解決辦法總望妥結餘詳另電外務部二十一日

(五一二)發東三省總督錫良電

宣統三年正月二十一日  
發電檔

效電已進呈昨日使館派員來部提會議事面交章程六條當復以各辦各事如有應商之件儘可協商惟無庸訂定章程致多窒礙彼尙不甚堅執日總領復申前請經尊處聲明祇互相討論弗侵越辦事權限最爲扼要此事所亟應處處防範者祇在他國藉端干涉致生後患耳若於疫事有益並無流弊自無妨互相研究仍希尊處相機操縱酌核辦理外務部

二十一日

(五二二)駐日本大臣汪大燮致外務部電

宣統三年正月二十二日到  
收電檔

前電日本商會邀請八處實業總理請增加長沙營口兩處用再電聞燮二十二日

(五二三)發駐日本大臣汪大燮電

宣統三年正月三十日  
發電檔

已函軍學兩部並囑通電時作為風聞外務部卅

(五二四)吉林巡撫陳昭常致外務部電

宣統三年二月初一日到  
收電檔

據陶道電據梅丞電稱日本副領大賀派坂東來應云現在日韓早已合邦如係向在中國地方之越墾韓民暫時未奉政府命令仍由中國審判所有朝鮮人新到琿春營業者如有詞訟應由領事審判等語應如何答覆請示前來除電飭該丞以日韓合邦事勢雖已如此但新來琿埠通商朝鮮人於國際上是否與日商享同等利益未奉外務部明示彼此未便交涉飭即答覆外嗣後琿埠對於朝鮮商人究應如何處置候示飭遵等語茲已電飭該道

按照三十四年七月中韓界務條款第四款辦理並將鈞部與日使協議未載入條款而爲日使認可各語亦經電告並飭令查明新到韓民分別農商勿使朦混若實係營工商業者審判權只能讓與如遇詞訟應各照本國法律辦理彼如欲要求會審則萬不能允許究應如何辦理之處敬請裁酌電復以憑飭令遵辦昭常東

(五二五)發東三省總督錫良電

宣統三年二月初一日  
發電檔

二十九日電悉大島所交意見書意在取締苦工侵越權限第五條猶爲窒碍蓋慮極是仍希由尊處執定各辦各界勿使侵越之宗旨相機駁論外務部初一日

(五二六)奉天交涉使致外務部施右丞電

宣統三年二月初七日到  
收電檔

前奉鈞部照請各國派醫在奉開會昨督憲已將籌備情形電陳在案鈞部於防疫一事時採外交團議論刻美醫已到日人仍要求隨時會商現在各國既已派醫集會若請在奉各領事一同晤商既於預防辦法可以隨時講求又可由各領監視使日人不致無端干涉此事美德法各領已先商允各本國公使但未接鈞部照會未便由各國發起可否請鈞部密

商各公使飭知各領似於實行開放主義正相符是否乞密稟堂憲見示事關機要務懇秘  
密鈞歌

(五二七)東三省總督錫良致軍機處請代奏電

宣統三年二月初九日到  
收電檔

竊准郵傳部虞電開今日本部奏定郵部專責在派醫隨車查驗餘歸地方辦理權限所在  
未能侵越等因錫良查始疫以來日本鐵道會社擔任防疫經費至百萬之巨並以食毛踐  
土之義報効中國防疫經費鐵路爲營業性質設備不周疫氛傳染該處之損失必多是防  
疫之事鐵路固應擔負惟同屬國家之事錫良原無畛域之見是以前經郵部電商奉天車  
站建築留驗所卽引爲己責惟經費難籌奏准由交通銀行暫時借款郵部電復未能准行  
未敢因而諉卸嗣因舟車水陸處處應設檢疫所同時並舉財力不繼溝幫子車站又距地  
方官署較遠郵部已飭路局從事建築因而一再電商歸路局籌辦今郵部奏定辦法自當  
遵照勉爲其難迅速籌備惟開辦及以後額支經費爲數不貲路局平時旣獲利益有事擬  
不能不爲分任可否飭下郵傳部酌量協助謹請代奏錫良叩佳

(五二八) 駐日本大臣汪大燮電

宣統三年二月十一日到  
收電檔

英法德借款同盟本非設法攻破不可美既插入日本久欲效尤聞伊使近因與彼政府討論此事決定回北京後實行謹聞變十一

(五二九) 發駐日本大臣汪大燮電

宣統三年二月十四日  
發電

戊申年中日電約第一款載非經中國允許於租界地外及鐵路境外中國各處不設水綫建造路綫電話綫及各種無綫電等語現聞日本本年預算有在中國大孤山設無綫電局經費一條是否屬實希查明電復外務部十四日

(五三〇) 山東巡撫孫寶琦致外務部電

宣統三年二月十五日到  
收電檔

據煙台徐道電據警局報稱有奉天南滿地方煤廠日人在煙台招小工開須千人已有百餘前往查南滿爲中國地方例所不禁日領因無文函知照當年辦法如此本年既肯來烟招工亦爲疫症漸消之証等語專此奉聞祈查照琦成

(五二二) 駐日本大臣汪大燮致外務部電

宣統三年二月十五日到  
收電檔

軍醫學生陳謨在帝國大學研究微生物傳染症頗具心得如派往患處隨同研究兩有裨益可否請酌定地方電覆再日本派出醫生北里柴山十九行先到京並聞燮咸

(五二二) 長春楊大夫呈外務部施右丞電

宣統三年二月十五日到  
收電檔

中國醫生所管醫院現已封閉因未能先事預防其中醫生二人看護婦四人已死於疫其防疫局所設醫院由陳醫生經營者極爲妥善日本北里醫官暨英派赴會復醫官親往察看均甚稱道二月十四日

(五二二) 直隸總督陳夔龍致外務部電

宣統三年二月十九日到  
收電檔

頃據交涉司津關道稟稱准駐津日領請將營口安東兩埠抵津船隻亦照旅大兩埠凡搭客攜有登船留驗執照者抵沽口時但由該口檢照官查驗放行不再停船留驗一切海口均照此辦法等因經該司道電詢營口安東兩關接准復電僉稱該兩埠確無疫患日領所請似可照准謹請核復飭遵龍效

(五二四)海軍部大臣載洵等奏請賞給日本國接待員寶星物品摺

宣統三年二月二十日

臣載洵臣譚學衡跪奏爲擬懇天恩賞給日本國接待員寶星品物及補給奧俄義德等國接待員寶星謹繕清單恭摺仰祈聖鑒事竊查宣統元年前籌辦海軍大臣載洵薩鎮冰等奉命出洋前赴英法義粵德俄六國考察海軍事宜差竣回京業將各該國接待員酌擬寶星等第奏蒙恩准賞給在案宣統二年臣載洵等復銜命考察美國日本海軍所有該二國派出接待員均能仰承其政府之意周旋備至不無勞勩足錄茲准出使日本國大臣汪大燮將該國各接待員銜名開單寄交臣部合無仰懇天恩俯准將日本各接待員援照前案賞給寶星藉示鴻施而敦睦誼惟原單內有已得中國寶星人員核其現在官階與所得寶星等第無可再加擬請賞給品物俟奉旨後另由臣部購辦寄贈以酬勞勩又上屆請寄各國人員寶星係據各該國政府開來名單再三核減奏請賞給嗣續據奧俄義三國補開擬請寶星人員名單計奧國二員俄國四員義國八員又德國擬請改換寶星人員一員先後寄交臣部擬請補給俾承恩寵而免向隅茲謹將擬給各該員寶星酌分等第並將擬給品物各員一併繕具清單進呈御覽恭候命下卽由臣部咨行外務部欽遵辦理所有日本等



國接待員擬請賞給寶星品物各緣由謹恭摺具陳伏乞皇上聖鑒訓示再美國接待各員未據送單前來合併陳明謹奏宣統三年二月二十日奉硃批依議欽此

(五三五)東三省總督錫良致外務部電

宣統三年二月二十四日到  
收電檔

奉省中日人民雜處時有衝突日人處處以守備隊兵及警察遇事干涉槍斃我民人之案一再發生本年正月十四日安奉鐵路巡警橋頭第二分局管內有苦力茹士臣被日警姜恆超誣竊妄擊我警向索不交因此苦力與日本居留民互毆我警彈壓不及致被槍斃苦力曹振明一名傷三名日人亦傷八人方在交涉未結二月初十日撫順縣屬千金寨地方因防疫事隔絕交通日居留民三人強欲通過經阻不服逞強砍傷我警白福有華工大憤毆日人神谷茂三郎身死卽有日居留民與守備隊警察等包圍我警署該居留民追逐我警何福臣槍刀齊施當被擊死以上兩案經飭交涉司與日領交涉而該領認爲我警有意與日人起衅一味要挾索取撫衅而於我先後傷斃之曹振明何福臣毫不肯認卹款甚至請我撤去巡警種種無理之言悍然不顧推原其意實欲藉此多事之秋擴張其勢力除仍飭交涉司與之和平交涉外萬一日使赴部應請力爲主持謹此電陳良漾

滯外(五三六)外務部右丞施肇基致顏股長電

宣統三年二月二十六日到  
收電檔

日本北里醫士今日蒞奉明晨赴京研究會會場一切布置不日蒞事致堂憲電隨發基

(五二七)外務部右丞施肇基致顏股長電

宣統三年三月二十七日到  
收電檔

南滿日報載北里此次赴京係探會務內容並商盛宮保欲在京辦一中央蟲學醫校等事  
查會務我必抱定研學宗旨會章正在預備會前不可宣布至醫校自應由我辦伍連德實  
堪勝任若由日辦非特於理不順各國必有違言萬難照允希回堂維持基

(五二八)駐日本大臣汪大燮致外務部電

宣統三年二月二十七日到  
收電檔

頃聞日本於本月二十四二十五兩日連開轉運船三艘裝載兵丁軍械糧食由橫濱逕往  
朝鮮並聞橫須賀與大坂等處同日均有船運兵前往似係假韓赴奉乞告東督電飭嚴密  
察訪變二十七日

(五三九)發東三省總督錫良電

宣統三年二月二十七日  
發電檔

傳聞日本於本月二十四二十五兩日連開轉運船三艘裝載兵丁軍械糧食由橫濱逕往朝鮮並聞橫須賀與大坂等處同日均有船運兵前往似係假韓赴奉希嚴密察訪電復外務部

(五四〇)東三省總督錫良致外務部電

宣統三年二月二十八日到  
收電檔

據興鳳道電稱有韓人金利永陳禮道潘一清李一贊等或持日領單銜護照或竟無護照先後到輯安縣地調查韓僑戶口僑民不服聚眾抗阻情勢洶洶經該縣將金利永等拘送江左韓境交日警署請告日領禁止復來等情查奉省韓僑雜居遍十數府三十縣歷有年所自日併高麗良深慮日人藉此干涉將為併吞滿洲之導火線屢請鈞部早與日使商明日使延宕其詞迄無切實答復年前屢有日人藉游歷為名希圖調查以我防阻嚴密志未得逞此次又以韓人任調查之事鴨江沿岸州縣與韓境僅一水之隔來去甚易地方官防不勝防設稍疏覺察僑民無知抗阻日人轉或藉此興戎危殆何可勝言除飭交涉司照會日領禁阻一面飭縣嚴諭僑民不准聚眾滋事外謹此電請鈞部照催日使速為妥定辦法

毋任盼企良勤

(五四一)發東三省總督錫良電

宣統三年二月二十八日  
發電檔

傳聞日本於本月二十四二十五兩日連開轉運船三艘裝載兵丁軍械糧食由橫濱逕往朝鮮並聞橫須賀與大坂等處同日均有船運兵前往似係假韓赴奉希嚴密察訪電復外務部二十八日

(五四二)東三省總督錫良致外務部電

宣統三年二月二十九日到  
收電檔

二十八日電敬悉日本運兵確有其事惟探係駐滿及朝鮮各師團現均期滿應分派交換未知是否屬實除再嚴密偵察外謹先電聞良豔

(五四三)駐日本大臣汪大燮致外務部電

宣統三年三月初二日到  
收電檔

伊使今起程擬十四到京云燮冬

(五四四)發駐日本大臣汪大燮電

宣統三年三月初七日  
發電檔

郵部函稱准高橋電借款招帖定本月中旬刊發請電汪星使以免延誤等語希查照外務部魚

(五四五)駐日本代辦吳振麟致外務部電

宣統三年三月初八日到  
收電檔

魚電敬悉使憲進京電陳在案郵部事謹當斟酌輕重隨時稟承辦理振麟叩陽

(五四六)奉天史大夫致外務部顏股長電

宣統三年三月初九日到  
收電檔

昨日無報告染疫者鐵路員役健吉疫症研究會辦理甚屬滿意日本今日在彼鐵路醫院舉行防疫成績展覽會

(五四七)發駐日本代辦吳振麟電

宣統三年三月初十日  
發電檔

陽電悉郵部函稱正金借款債票招貼必須本月十五前後廣告報紙以便售票囑由執事通知正金允出招貼等語希查照辦理逕電郵部接洽外務部初十日

宣統三年三月十一日到  
（五四八）出使日本國大臣汪大燮致外務部電

宣統三年三月十一日到  
收電檔

頃抵滬明晚乘新濟北上約十六七到京變真

（五四九）駐日本代辦吳振麟致外務部電

宣統三年三月十五日到  
收電檔

日本親王東伏見宮乘賀茂丸赴英廿一抵滬住兩日謹聞振麟叩咸

（五五〇）直隸總督陳夔龍致外務部電

宣統三年三月十五日到  
收電檔

十四日電祇悉查日使前以旅大兩埠疫已消弭由該處開往各埠輪船商准驗明無疫執據立即放行並聲明其餘遼東各口均不在內嗣據日領以營口安東亦係無疫口岸請照旅大船隻辦理亦經查明辦各在案茲准日使所稱凡自旅大營口及其他滿洲諸港開往船客僅行檢察其餘條件一併撤銷等語查旅大營口既係無疫然東三省未報肅清倘有附近疫地行客由該埠登船竟於出口時概不檢查亦不足以昭慎重至所稱其他滿洲諸港係指何處而言該處疫氣是否全清仍請轉致日使指明處所候復再飭查明辦理龍

咸

(五五一) 外務部右丞施肇基致外務部顏股長電

宣統三年三月十六日到  
收電檔

文電計達頃韓交使又函告中日巡警衝突事日領又生異議當面齟齬即辰又將謁帥云  
基咸江示查疫由奉行者四人詳十二日函到江後通共若干人出發已電江撫逕報吉省  
由鍾道帶醫譯書記巡警等共六人基十六日

(五五二) 直隸總督陳夔龍致外務部電

宣統三年三月十八日到  
收電檔

鈞函祇悉日使既稱關東省疫早消滅對於境外來客實行隔離又於租界交通各路嚴密  
監視自己盡力布置所請凡自旅大營口及滿洲諸港船舶但給健康證明書勿用檢疫隔  
離字樣一節當即分飭查照對於以上各港船舶均即驗照放行請轉復龍嘯

(五五三) 外務部右丞施肇基致外務部顏股長電

宣統三年三月十九日到  
收電檔

效電諒已達覽頃據韓司使函稱本日所商辦法大略如左一日本在奉防疫日本於二十



二撤銷二各處監視交通與斷絕交通二事在於廿二撤銷三在鐵道界內仍查戶口與收買老鼠四鐵道留驗所擬俟中四月底酌撤等語第二四兩條詳細辦法俟問明再電聞基

(五五四)發東三省總督錫良電

宣統三年三月二十日  
發電檔

撫順本溪等處中日衝突各案文電均悉昨日使云奉天又有兵民鬪案並云此次回京曾受外部訓條各案均願由地方官與領事持平處理從速了結不願與政府談判致成重大交涉當請其電日領彼此秉公商辦希飭按照實情就地妥商了結奉天兵民相關是何情形并電復外務部二十日

(五五五)江蘇巡撫程德全奏請賞外國教員寶星摺

宣統三年三月二十日到  
宣統三年三月十二日發

江蘇巡撫臣程德全跪奏為高等學堂聘用外國教員著有勞績奏請賞給寶星以資獎勵恭摺仰祈聖鑒事竊照蘇省高等學堂教習日本理學士三谷新於光緒三十二年二月延聘到堂教授物理化學兩科訂立合同以二年為限嗣以教授得宜於光緒三十四年經該

堂監督續展二年至宣統二年正月限滿回國前後統計在堂四年教授熱心勤勞頗著自應照章給獎惟查中國教員獎案向係教授三年爲尋常勞績教授五年爲異常勞績外國教員獎案年限有無區別應如何奏請給獎據蘇州提學使樊恭煦詳經臣咨部核復嗣准學部咨稱查本部核辦大學堂法政學堂如外國教員獎案均係屆滿五年始行遵照外務部定章奏請賞給三等第一寶星該理學士三谷新充高等學堂教員既滿四年如果教授熱心著有勞動自可量予獎給三等第二寶星仍應由該省奏明辦理以符定章等因即經飭據蘇州提學使樊恭煦詳請查照部咨奏懇賞給三等第二寶星以咨激勸等情前來臣復核無異合無仰懇天恩俯准將高等學堂教習日本理學士三谷新賞給三等第二寶星以昭激勸除咨學部外務部查照外理合恭摺具陳伏乞皇上聖鑒訓示謹奏宣統三年三月十二日

宣統三年三月二十日奉硃批該部查核具奏欽此

(五五六)鎮江關道呈外務部電

宣統三年三月二十一日到  
收電檔

鎮關三十一種土貨報單定章爲保全內地稅厘起見限制極嚴外人之思破壞歷任關道

均堅守不移上冬今春迭准駐甯日本領事來函以有日商欲領三聯報單往河南採辦桐木出口職道以木植一項爲中國內地稅釐大宗若發聯單必影射他項木植則稅釐盡歸無著且逾鎮關貨名種數定限屢拒未允頃鈴木領事自甯來鎮面商堅請發桐木聯單未經照允彼言職道既不通融當另行交涉揣其意似將上瀆憲聽此事實關內地稅釐大局謹先密稟伏乞維持拒駁景賢叩馬

(五五七) 上海道呈外務部電

宣統三年三月二十五日到  
收電檔

日本伏見宮親王赴英賀加冕道經滬上職道偕薩都統往謁旋日領來告日親王擬往蘇一游寒山寺及留園經職道派員同往並電請蘇撫憲接待日親王游畢卽回滬登輪西駛並派日總領及武員答拜言此次係微行迺邀接待意甚欣謝云燕翼稟有

(五五八) 開缺東三省總督錫良致外務部電

宣統三年三月二十六日到  
收電檔

二十日電敬悉撫順本溪等處中日警察衝突各案先據交涉司與日領提議所有日領要求懲罰巡警保証將來各條件均已承認惟賠償撫卹一條日領以日警等之死傷均應照

給置我警兵民人死傷於不顧礙難准行乃日領堅持不下並聲明報告政府辦理故有前此之電請茲既據日使聲稱仍由地方官與領事持平處理並蒙鈞部請飭日領自當飭司再與妥速另議但於賠償撫卹一事恐日領仍持前說擬請轉告日使電飭日領不得偏執已見方易了結至中日兵民衝突一節係因陸軍於行路時與日守備兵相碰口角爭歐以致各受微傷刻與日領商明各派憲兵與陸軍警察官長和平商辦事極微細當可了結謹此電陳良有

(五五九)開缺東三省總督錫良致軍機處請代奏電

宣統三年三月二十九日到  
收電檔

查日本關東都督大島義昌前請組織防疫會議一事當經電請鈞處代奏嗣於正月二十一日奉外務部電開謂如於疫事有益並無流弊自無妨互相研究等因良即派民政司張元奇交涉司韓國鈞爲會議委員並飭分清權限毋任侵越茲據該司等稟稱自正月三十日起至三月十六日止會同日員會議八次所議均在權限範圍以內尙無藉端干涉之事日員亦毫無間言現在疫勢稍減彼此聲明撤會足以上紓宸廑謹將會議情形及和平撤會各緣由疫請鈞處代奏錫良二十九日

宣統三年三月三十日

宣統三年三月三十日

奉旨錫良電奏現在疫勢消滅派出委員與日員會議情形並聲明撤會等語知道了欽此

三月三十日軍機大臣署名臣奕臣毓臣那臣徐  
宣統三年四月十三日到

寺內總督十二日抵韓謹電達前奉支電未匯閏六月經費請飭撥匯廷亮十三日

駐俄大臣薩蔭圖致外務部電  
宣統三年四月十八日到

探聞俄日近有商議係商標等事項詢東方股據稱在東京議云蔭洽  
宣統三年四月二十四日到

准日總領事小池張造照稱以日皇贈與錫良勳二等旭日大綬章由外務大臣電告特此  
通知等情此項勳章應否接收佩帶良未敢擅便謹此電請代奏請旨遵行錫良敬

(五六四)軍機處電寄錫良諭旨

宣統三年四月二十五日  
電寄檔

奉旨錫良電奏悉日主贈給該督勳章著准其收受佩帶欽此臣奕臣那臣徐四月二十五

日

(五六五)東三省總督趙爾巽等奏三省防疫洋員請賞給寶星摺

宣統三年閏六月初九日到  
宣統三年六月二十七日發

欽命副都統銜吉林巡撫降一級留任臣陳昭常  
欽差大臣銜東三省總督兼管三省將軍奉天巡撫事臣趙爾巽  
欽命副都統銜黑龍江巡撫臣周樹模

跪奏為三省防疫洋員懇請賞給寶

星以酬勞動恭摺會陳仰祈聖鑒事竊自上年冬間三省疫氣發現以來需醫孔亟經部派醫員並調用直粵各醫來東任使惟防疫事同創舉非於此事實有經驗難以奏功當疫勢劇烈之際各埠醫員感染身死者警告頻仍人懷畏懼三省望醫如歲多方招致仍屬不敷迭經前督臣錫良會同臣昭常臣樹模訂聘東西各國醫士襄辦疫事而駐在三省之各洋員亦均熱心贊助或躬冒艱險或甘盡義務卒能使疫氛早日撲滅實屬著有勤勞茲經臣等查酌功能分別等級開列兩單擬懇天恩准給獎叙用示褒嘉而昭榮寵除咨部查照外

所有三省防疫出力洋員請獎緣由理合繕具清單恭摺會陳伏乞皇上聖鑒訓示謹奏宣  
統三年六月二十七日

宣統三年閏六月初九日奉硃批外務部查核具奏單二件片一件併發欽此

(五六五)附件一 東三省防疫出力日英美丹法各洋員職名單

謹將三省防疫出力日英美丹法各洋員職名分別擬請寶星繕具清單恭呈御覽

計開

日本警視總長中日防疫會議員佐藤友熊

駐奉日總領事官小池張造

駐哈爾濱日本總領事官川上俊彥

以上三員擬請賞給二等第一寶星

醫博士中日防疫會議日員河西建次

營口醫員日本陸軍軍醫正內田鎮一

駐安東日本領事官木部守一



駐長春日本領事官松原一雄

奉天防疫事務所醫務部長日員志雄貞治

奉天防疫事務所消毒部長日員杉本浩三

駐吉林日本領事官林久治郎

以上七員擬請賞給二等第三寶星

鐵嶺病院長日員直井己之次

日本警視佐佐木貞七

鳳凰廳醫員日本陸軍一等軍醫貞田謹一郎

安東醫員日本陸軍一等軍醫望月完作

駐鐵嶺日本副領事官森田寬藏

駐新民日本代理副領事官北條太洋

奉天防疫事務所微生物試驗部長日員松王數男

奉天防疫事務所微生物試驗部長日員川久保定三

奉天赤十字病院長日員合田平

奉天滿鐵病院長日員倉持彥馬

奉天滿鐵經理系日員原田鐵造

駐奉日本副領事官有田八郎

駐奉日本領事館書記深澤暹

駐齊齊哈爾日本副領事官藤井貫一郎

駐遼陽日本副領事官鈴木要太郎

以上十五員擬請賞給三等第一寶星

本溪醫員日本陸軍二等軍醫田邊敬吉

營口醫員日本陸軍三等軍醫古川米吉

法庫醫員日本陸軍副醫官守田滿松

營口醫員日本陸軍二等軍醫黑川知勝

遼陽醫院醫生日員西川嘉一

鐵嶺防疫所醫生日員鮫島正彦

遼陽州警務顧問日員增井茂松

鐵嶺防疫局日員原口聞一

東溝稅務司日員江原忠

石橋子防疫所醫生日員松本貞吉

駐奉日本領事館書記竹內廣彰

駐奉日本領事館書記山本全

駐奉日本領事館書記糟谷廉二

以上十三員擬請賞給三等第二寶星

鐵嶺鐵道經理系日員神谷義隆

鳳凰廳醫員日本二等軍醫山本茂

駐營口日本領事官太田喜平

黑龍江防疫醫員日員稻恆刀利太郎

黑龍江防疫醫員日員村松六助

駐遼陽警署長日員橋本清慎

滿鐵會社濟理系日員岩崎彌五郎

日醫院長日員大和良作

滿鐵會社遼陽驛長日員大塚幸熊

滿鐵病院院長日員宇山俊三

日本醫員廣海捨藏

滿鐵會社防疫員日員細野喜市

以上十二員擬請賞給三等第三寶星

奉天車站防疫醫官英員司督閣

以上一員擬請賞給二等第三寶星

營口海關檢疫醫官英員達賴

營口海關稅務司英員柯爾樂

以上二員擬請賞給三等第一寶星

奉天車站防疫醫官英員袁樂柯

奉天車站防疫醫官英員慕大衛

京奉鐵路副稽查英員伊爾德

營口海關檢疫醫官英員費利司

四品銜安東海關稅務司美員侯禮威

以上五員擬請賞給三等第二寶星

奉天防疫顧問英員德儒博

長春防疫醫官英員丁滋博

黑龍江呼蘭府防疫醫官英員余克信

奉天防疫醫官美員紀約瑟

安東防疫總醫官丹國醫員沈得榮

奉天防疫顧問郵政司法員戈利

以上六員擬請賞給三等第三寶星

硃批覽

(五六五) 附件二趙爾巽奏南滿鐵路會社日員久保田政周等請給予獎勵片

再南滿鐵路會社理事日員久保田政周當東省疫氣劇烈之際代為運送苦工難民數千

名均能盡心經理設法隔離竟未使一人傳染實於氛事贊助之力為多惟該員前已蒙賞  
有二等第一寶星而該會社總裁中村是公僅有頭等第三寶星該員似已無可再請至應  
如何給予獎勵之處應請飭疫核議施行謹附片具陳伏乞聖鑒訓示謹奏

宣統三年閏六月初九日奉硃批覽欽此

宣統三年閏六月二十日發

奉天（五六六）出使日本國大臣汪大燮奏管理日本游學監督處期滿人員請獎摺

宣統三年閏六月初一日發

出使日本大臣郵傳部左侍郎臣汪大燮跪奏為管理日本游學生監督處期滿人員遵章  
請獎恭摺仰祈聖鑒事查光緒三十四年九月二十一日學部奏定酌改管理日本游學生  
監督處章程內開監督以次各員任事已滿三年准比照出使章程酌保數員又查出使舊  
章出使人員三年期滿按照異常勞績請獎曾經歷辦在案茲查管理理本日游學生監督  
處委員分省試用同知楊彥潔等七員先後到差任事陸續均滿三年臣查該員等隨同歷  
任使臣暨監督襄辦學務或與各校商訂課程或為各省經理學費三年以來勤劬無間朝  
廷振興教育凡內地辦學人員俱得邀恩獎擢茲該員等重洋遠涉寒暑迭更迹其微勞不

無足錄合無仰懇天恩准將分省試用同知楊彥潔請免補本班以知府分省補用分省直隸州州同程學鑾以知州分省補用通判職銜郭左淇以通判不論雙單月僅先選用四品銜候選通判黃駐免選通判以同知歸部選用候選縣丞薛錫珍以知縣選用縣丞職銜陳鳳岐以縣丞不論雙單月僅先選用州同職銜蕭培身以州同不論雙單月僅先選用以示鼓勵而符向章除將該員等出身履歷造冊咨呈外務部轉送內閣查核外所有游學生監督處期滿人員遵章請獎緣由理合恭摺具陳伏乞皇上聖鑒訓示謹奏

宣統三年六月初一日

(五六七) 外務部總理大臣奕劻等奏朝鮮新義州添設領事各官並揀員試署摺

宣統三年七月初二日

臣奕劻等跪奏為朝鮮新義州添設領事各官並揀員試署恭摺仰祈聖鑒事竊查朝鮮新義州地方與奉天安東縣祇隔一水我國工商人等以舟楫往來便利歷年赴該處謀生者日益衆多前經駐朝鮮總領事以華人僑居日衆亟須有人稽查商准統監府於新義州華商中選派公正董事就近照料仍由駐南浦副領事兼管以資保護近來京義鐵道告成新



義州爲該路運輸末站商務日見發達本年二月間准出使日本大臣汪大燮以考查新義州地勢實爲衝要惟離漢城甚遠審度現在情形自以添設領事爲宜函請臣部覈辦當經函至該大臣卽與日本外務省妥商現准復稱已經日本外務大臣覆允等因前來臣等查新義州增設領事日外部旣經允認自應遴員派充該領事館應設三等通譯官書記官各一員亦應一併揀派以資襄助茲查有候選知府王克均曾經隨使外洋情形熟悉堪以派充朝鮮新義州正領事官度支部七品小京官蔣道南堪以派充該領館三等通譯官候選州同丁紹瀛堪以派充該領館三等書記官仍請留原有官階先行試署果能得力再行奏請充補如蒙俞允卽由臣部刊刻關防割交該員王克均收執偕同前往住紮並咨行出使日本大臣照會外務省轉飭接待至該領事管轄區域擬卽割飭駐朝鮮總領事妥籌劃分申報臣部俾專責成所有揀員試署新義州領事各官緣由理合恭摺具陳伏乞皇上聖鑒訓示謹奏宣統三年七月初二日奉硃批依議欽此

(五六八)外務部總理大臣奕劻等奏核給日本各員寶星摺 宣統三年七月初二日

臣奕劻等跪奏爲遵旨核給日本各寶星恭摺仰祈聖鑒事竊據度支部咨開本部具奏調

查財政請獎日本接待各員飭下外務部核給寶星一摺宣統三年閏六月初十日奉旨依議欽此欽遵咨行到部臣等按照單開各員詳加查核除大藏省主稅局長管原通敬一員已於本年四月間經考察憲政大臣李家駒奏請賞給二等第二寶星已無可再加應毋庸議外其餘各員查其官階按臣照部歷辦成案酌擬寶星等第繕具清單恭呈御覽伏候命下卽由臣部知照內閣頒給祇領所有遵旨核給日本各員寶星緣由理合恭摺具陳伏乞皇上聖鑒謹宣統三年七月初二日奉硃批依議欽此

大藏省次官若槻禮次郎 奕劻等擬給日本各員寶星等級清單

謹將擬給日本各員寶星等級繕具清單恭呈御覽

計開

大藏省次官若槻禮次郎

以上一員擬請賞給二等第一寶星

大藏省主計局長橋本圭三郎

大藏省理財局長勝田主計



欽差大臣尙書銜東三省總督兼管三省將軍奉天巡撫事臣趙爾巽  
欽命副總統銜降一級留任吉林巡撫臣陳昭常跪奏爲日俄兩國駐長領事隊長等

在事日久克敦睦誼援案籲懇恩賞寶星以篤邦交而昭獎勵恭摺仰祈聖鑒事竊吉省長  
春地方自日俄兩國鐵路交通以來交涉事務日多前年開設商埠與外人交涉往還尤爲  
繁劇幸駐長日俄兩國領事深知大體遇事輒能和衷商辦而鐵路護兵隊長等凡路界內  
逃匿匪徒亦能不分畛域協助緝捕均屬不無微勞足錄先後由西南路道已革前道顏世  
清現署理道孟憲彝開單呈懇奏請賞給寶星前來臣等伏查光緒二十八年三月曾經前  
吉林將軍臣長順以駐吉俄員辦理交涉持平幫同保護地面又於光緒二十九年八月以  
來東省鐵路工程告竣在事俄員兵官辦事和平能顧大局先後奏賞給寶星有案該領事  
隊長等事同一律合無仰懇天恩俯念長春日俄領事隊長歷年辦理交涉尙屬和平協緝  
亦能助力准予分別賞給寶星以示寵榮而昭獎勵謹繕具清單恭呈御覽如蒙俞允並請  
勅下外務部照式製就分填執照發交臣等轉給所有請賞日俄領事隊長寶星緣由除咨  
部查照外謹恭摺具陳伏乞皇上聖鑒訓示謹奏宣統三年七月初四日

宣統三年七月十七奉硃批外務部查核具奏單片併發欽此

（五六九）附件一 清單

謹將駐長日俄領事隊長擬給寶星開具銜名等第敬繕清單恭呈御覽

查計開

駐長日本前任領事官松村貞雄

駐長日本現任領事官松原一雄

駐長俄國領事官拉扶羅甫

以上三員擬請賞給三等第一寶星

東清鐵路俄軍第七分隊長

東清鐵路俄軍第一分隊長

以上二員擬請賞給三等第二寶星

硃批覽

外務部大臣奕劻奏核銷代辦日本使事吳振麟支用銀兩片

宣統三年九月二十五日

宣統三年九月二十五日

再臣部奏定出使章程於額定經費之外另支電報學費等項銀兩均應造冊報銷歷經通行遵照在案茲據前駐日本二等參贊官代辦使事吳振麟將自宣統二年五月初一日起至六月底止支用另款銀兩造冊呈報到部查冊開舊管無項新收前任移交庫平銀四千三百九十七兩四錢二分查核數目相符開除電報費支銀一千四百十三兩一錢五分學生學費支銀二百十九兩五錢共支庫平銀一千六百三十二兩六錢六分查係實用實報應請准其開銷實在結存庫平銀二千七百六十四兩七錢六分據稱已移呈新任出使大臣汪大燮接收應續報另款到日再行計核除將清冊存案外所有核銷代辦日本使事吳振麟支用另款銀兩緣由理合附片具陳伏乞聖鑒謹奏宣統三年九月二十五日奉硃批知道了欽此

(五七一)外務部大臣奕劻奏覈銷出使大臣等整裝川資等項銀兩片

宣統三年九月二十五日

再臣部奏定出使章程以整裝川資等項銀兩在歲支經費之外均應另冊造報歷經通行遵照在案茲據出使日本大臣汪大燮將支用整裝川資銀兩造冊咨送到部查冊開舊管無項新收外務部撥庫平銀一萬兩查核數目相符開除該大臣暨參贊書記等官整裝支

銀三千六百七十二兩前往日本並赴東三省朝鮮等處考察川資雜用等項支銀四千七百五兩四錢共支庫平銀八千三百七十七兩四錢查係實用實報並無浮冒應請准其開銷實在結存庫平銀一千六百二十二兩六錢據稱已移入另款項下應俟年終冊報到日再行核計除將清冊存案外所有核銷出使日本大臣支用川裝銀兩緣由理合附片具陳伏乞聖鑒謹奏宣統三年九月二十五日奉硃批知道了欽此

(五七二) 外務部大臣奕劻奏核銷建置橫濱領事署銀兩片

宣統三年九月二十五日

再臣部前據出使日本大臣汪大燮以橫總理領事署房屋頽圯器具不敷咨請撥款建置當經咨復照准飭令核實辦理俟工竣後造冊報銷茲據該大臣轉據駐橫濱總領事吳仲賢稟將修理衙署添置器具收支銀數造具清冊咨請覈銷前來查冊開舊管無項新收海關道撥匯庫平銀五千兩查覈銀數相符開除修理衙署添置器具共支庫平銀五千七百三十一兩六錢五分查係實用實報應請准其開銷實在不敷庫平銀七百三十一兩六錢五分應在出使經費項下照數撥還除將清冊存案外所有核銷修理橫濱總領事署暨添置器具銀兩緣由理合附片具陳伏乞聖鑒謹奏宣統三年九月二十五日奉硃批知道了



欽此

(五七三)軍機處電寄陳夔龍諭旨

宣統三年十月初九日  
電寄檔

奉旨內閣代遞陳夔龍電奏悉現在奉省情事已由外務部商明日使嚴密查禁當可無事  
楊榮泰一軍著仍遵前旨迅飭赴晉欽此十月初九日臣袁臣壽勳

(五七四)軍機處電寄志銳諭旨

宣統三年十月十九日  
電寄檔

奉旨內閣代遞志銳電奏悉赴東招兵易啓交涉著毋庸議欽此宣統三年十月十九日蓋  
用御寶內閣總理大臣袁陸軍大臣臣王士珍

(五七五)軍機處電寄汪大燮諭旨

宣統三年十二月初八日  
電寄檔

奉旨內閣代遞汪大燮電奏日本駐小倉之師團預備由門司至大連等語仍著嚴密偵查  
隨時電奏欽此宣統三年十二月初八日蓋用御寶內閣總理大臣臣袁署外務大臣臣胡  
惟德